

ব্রাহ্মণ বন্দ্যোপাধ্যায়

## সম্মোহন

মোমের প্রদীপ বড় ধীরে জ্বলে— ধীরে জ্বলে আমার টেবিলে ;

মণীষার বইগুলো আরো স্থির,— শান্ত— আরাধনাশীল ;

\*\*\*

তারি পাশে তোমারো রুধির কোনো বই— কোনো প্রদীপের মতো আর নয় ।

২৮৩ পৃষ্ঠায় বিষয়টি ছিল ।

এভাবে মনে পড়ছে স্মৃতিষ্করের দরুন, বইটির নাম ( শহিদনামা ? ), তার লেখক, প্রকাশকাল ইত্যাদি প্রভৃতি জলের ধারায় মূছে গিয়েছে, যা-যা মনে আছে সেইসব তথ্যাদি পরপর সাজিয়ে গেলে একটি ষড়ভুজের আকার পাওয়া সম্ভব, আবার সেই আকারটি প্রকৃতিতেও আছে, যেমন মৌচাক ।

এখন যে জন্য ২৮৩ পৃষ্ঠা, সেখানে আট দশ লাইনে অমরতাপিপাসু এক লেখকের কথা বলা হয়েছে । পলিথিনের একটি প্যাকেটে স্বরচিত গ্রন্থের পাণ্ডুলিপি যন্ত্রের সঙ্গে মূড়ে নিলে ওই লেখক ছ'তলা বাড়ির ছাদ থেকে লাফিয়ে পড়ে আত্মহত্যা করেন । তিনি ভেবেছিলেন এতে মানু'ষ এমন তাড়িদাহত হবে যে তাঁর বইটি প্রভূত যন্ত্রের সঙ্গে ছাপা হবে । লোকজন গভীরভাবে মনোযোগী হবে বইটি সম্পর্কে । লেখার গুণগমান নিলে তাঁর কোনও সংশয় ছিল না । তিনি জানতেন শৃঙ্খল মানু'ষের নিবিষ্ট, গাঢ় দৃষ্টি না-পাওয়ায় কত না মূল্যবান পাণ্ডুলিপি অন্ধ থেকেছে । উইয়ে কেটেছে । নিজের মৃত্যুই তাঁর রচনার প্রতি সর্বোচ্চ সম্মান, সেরা উপহার হতে পারে বলে মনে করেছিলেন । এবং আছড়ে পড়েছিলেন মৃত্যুর বৃকে । বা, এই মৃত্যু ছিল একপ্রকার জীবনদান । মৃদু বাদশা যেমন তাঁর ছেলের জন্য করেছিলেন । 'ভালবাসা' শব্দটি শূন্য, অনদ্ভূত তাকে বিস্ফোরক করে তুলতে পারে— এই জাতীয় কোনও কথা বলেছিলেন প্যাতিপুকুরের ফুল মেসো । মৃতদের জীবন আমরা বয়ে বেড়াই, স্মৃতির অনেকখানি জুড়ে থাকে তারা । অতি দূর সম্পর্কের আত্মীয় ফুল মেসো শৃঙ্খল সেই কারণেই মাটি ফুঁড়ে জেগে ওঠেন এমন নয় । জীবনের শেষ ক'টা বছর তিনি বাড়ির বাইরে পা দেননি তবে শূন্যে দরজা খুলে রেখে, ব্যক্তিগত বলেও কিছুর ছিল না । তাঁর ছেলে মৃগাঙ্কদা বলেছিল 'বাবা নিষ্ক্রিয়তার চর্চা করতেন ।' মৃগাঙ্কদার ভাষা ব্যবহার গোলমালে, ঠিক নিষ্ক্রিয়তা নয়, ফুলমেসো আর সামনের টানে চলতে চাইছিলেন না । এই অনীহা তাঁকে পাকে পাকে জড়িয়ে ধরে । অঘোষিত, এক মন্থর হনন তাঁকে তিল তিল করে শেষ করছিল আর ফুলমেসোর কাছে ওই মৃত্যু যেন এক দুর্লভ উপহার ।

## কিংবদন্তী

ফুলমেসোকে সাকুল্যে ২০ বছর আমি দেখেছি, সম্পর্ক একটা ছিল কিন্তু তা প্রান্তিক হওয়ার দরুন জানি খুব কম, যতটুকু যা জানতাম সবই বাইরে-বাইরে, পাড়ার লোককে জানার মতো। আর ওই ২০ বছর হল ফুলমেসোর জীবনের প্রোচুদ্ব-বার্ধক্য পর্যায়, জীবনের এই পর্যায়ে থাকা মানুষজন সম্পর্কে যুঁবাদের উৎসাহ কম থাকে দেখেছি, আমার ক্ষেত্রেও এর কোনও ব্যতিক্রম ঘটেনি। এই বয়সে মানুষ যেন খুনের আসামী হয়ে পড়ে, সাধারণ, অসফল মানুষ। ফুলমেসোও বলতেন ‘কী করে যে জীবনটা কাটালাম’ যেন অতীত জীবন দৃশ্যের পর দৃশ্যে দেখছেন আর দীর্ঘস্বাস ফেলছেন। মৃগাঙ্কদা এইরকম মনোভাব প্রকাশ করতেন ‘কীভাবে কাটাতে চেয়েছিলে?’ বেথাপ্পা, রুদ্ধ এই প্রশ্নের সামনে নয়নবাবু অর্থাৎ ফুলমেসো গাঢ়টিয়ে যেতেন, ‘জানিনায়ে’ একথাটাও বলতে পারতেন না। এষা বৌদি আমাকে বলেছিলেন ‘বাবা ভয়ঙ্কর টেনশনে রয়েছেন’ কিন্তু কখনও বলেননি কী সেই টেনশন। বা এষা বৌদি নিজেও জানতেন না। এখানে একটা কথা প্রকাশ থাকা দরকার, ফুলমেসোর টেনশন কিংবা তার উদ্ভট উদ্বেগকে কেউই বিশেষ পাত্রা দেয়নি। বরং ছুটিয়ে সংসার করা, গেরস্থ স্কুল মাস্টারটি বড় বড় ব্যাপার নিয়ে প্রকৃতই চিন্তিত দেখে তার নিকট আত্মীয়রা বেশ ঘাবড়ে যায়। যার যা করার কথা নয় সে তাই করতে শুরুর করলে সেটা এক তো বিশ্বাস করা কঠিন, অন্যদিকে তাকে ঘিরে একটা দৃষ্টিভঙ্গি দানা বাঁধবেই। ফুলমেসোর এক বাল্যবন্ধুই শূন্য ভিন্ন সুরে কথা বলেছিল ‘ভ্যাবল চিরকালই এরকম-।’ এখন ‘এরকম’ মানে কী? বাল্যবন্ধু সে কথা খোলসা করে বলেনি। অনেক খোঁচাখুঁচির পর জানায় ‘মারাত্মক অতীপ্তি ছিল।’ এই তথ্যটুকু কোনও কাজে লাগেনি। তারা বলাবলি করেছে : ‘হঁ’, ‘অতীপ্তি !’, ‘কার নেই?’ , ‘অতীপ্তি !!’, ‘যত্নসব’। এর মধ্যে একটা কথা আছে, দু-একটি ক্ষেত্রে কিছু সম্ভাবনা অর্থাৎ সাফল্য অর্জন অসম্ভব ছিল না ফুলমেসোর পক্ষে। নিজের বিটকেল স্বভাবের জন্যই শেষপর্যন্ত সে সব হয়ে ওঠেনি। এ বিষয়েও দু-একম মত চালু আছে, একদল বলে ছবি আঁকা এবং কাঠপুতলি বানানোয় ওর খুব দক্ষতা ছিল সন্দেহ নেই কিন্তু লেগে-থাকতে পারত না। আর এটা একটা টেস্টেড ব্রুথ যে লেগে থাকতেই হবে। অন্য মতটি হল : আসলে ক্ষমতাই ছিল না, কিছুদূর এগোনোর পরই নিঃশেষিত হয়ে পড়ত। ‘মুন্সীর অকাল মৃত্যু নয়নকে জগতসংসার সম্পর্কে নিস্পৃহ করে তোলে’— বাল্যবন্ধুর মত। মৃগাঙ্ক শৈশব স্মৃতি নিংড়ে এই মন্তব্যের কোনও সমর্থন খুঁজে পায়নি, সে বলেছে, ‘না, বাবা আর মা ছিল স্বীপের মতো’, সুখী দাম্পত্য জীবন বলতে যা বোঝায় ফুলমেসোর তা ছিল না, মা’র মৃত্যে শূন্যেই ‘টুন’ ছিল খুব শোঁখন, বেড়াতে, গম্পো করতে, হোটোলে খেতে ভালবাসত’ মা কিন্তু ফুলমেসোর কোনও দোষের কথা বলেনি। তবে স্বর্গাতিবাজ ও একটু উড়ুন্ধু

স্বভাবের টুনুর কথা বলতে গিয়ে ফুলমেসো সম্পর্কে কিছু ইঙ্গিত-ইসারা রেখে যেত। ফেলে যাওয়া সেই চিহ্ন ধরে এগিয়ে গেলে এরকম একটা ধারণা হতে পারে : নয়নবাব্দ যেন আধখানা জীবন পেয়েছিলেন। বা তার জীবন যেন শিলাখণ্ডের মতো, মৃত্যুর প্রান্ত ছুঁয়ে ছিল সেই পাথর !

অবিশ্বাস্য একটি ঘটনার, গল্পের উল্লেখ করব এখানে, যদিও সেই গল্পে আমার আস্থা নেই, গ্রামদেশে, অরণ্যচারী উপজাতিদের মধ্যে এ ধরনের অলৌকিক ঘটনার কদর থাকতে পারে কিন্তু কলকাতায়... !!

ফুলমেসো রক্ত বর্ম করে মারা যায়, জানলার পাশে এক চিলতে খোলা জমিতে ছিটকে পড়েছিল ফুলমেসোর রক্ত সেখানে পরের দিনই একটি প্রাচীন গাছ দেখা যায়, পাড়ার লোকেরা বলেছে ‘মা কালীর দিব্যি, এখানটা আগে ন্যাড়া ছিল।’ কালীর দিব্যিকে তারা একটা অকাটা প্রমাণ বলে চালাতে চাইছে, যেন যুদ্ধির বাপ এই দিব্যি। একটু জেরা করতে জানা গেল : যদি মিথ্যে বলে থাকি কালী আমার সর্বনাশ করবে। যুদ্ধিটুঙ্গির কথা ভুলে গিয়েছিলাম আমিও, তারা সর্বনাশের ঝুঁকি নিচ্ছে এরপর আর কথা চলে না। কালী কোথায়, খজা নিয়ে সে সত্যিই কলকাতায় ঘুরে বেড়াচ্ছে কি না ইত্যাদি জিজ্ঞেস করা অর্থহীন। বরং এই যে রূপকথা, তার বংশবৃদ্ধি, সেখানে নয়নবাব্দের স্থান পেয়ে যাওয়া এইসবে মিথ্যার এক সৌন্দর্য রচিত হতে দেখি। রূপকথার সমান্তরাল যে ইতিহাস তা লেখাপড়া জানা লোকের সংস্কার, তারা বলেছিল।

ইতিহাস কিংবদন্তী দাহ করে চলেছে, এই দাহ অন্তহীন। এ দুয়ের মধ্যে কে যে প্রকৃতই অমর সেই মীমাংসায় পৌঁছতে হাজার বছর কেটে গেল, ইতিহাসের দেবদেবী কতবার কাদায় স্নান করল। কিংবদন্তী মরতে-মরতে বেঁচে উঠছে, সময়ের শিকল কাটতে গিয়ে তার অঙ্গচ্ছেদ ঘটছে, মেদমজ্জা হাড় পর্যন্ত দেখা যাচ্ছে। ক্ষত শূন্যকিয়ে যায়, নরম ত্বক এসে ঢেকে দেয় ক্ষতিচিহ্ন। জলজ্যান্ত একটা মানুষ গাছ হয়ে গেল, পানিপুরুরের লোকজন নিজেদের চোখে দেখেছে। মানুষের এই দৃষ্টি এক জটিল রসায়ন, সেখানে কী নেই ! এই দৃষ্টির সামনে বাস্তব যেন খড়কুটো। সামান্য মানুষ ফুলমেসো এখন এক অমর সন্ত।

‘আত্মহত্যা নয়’, ‘আবার ঠিক অর্থকর্তিত মৃত্যুও নয়’ ছেলে-বোঁ বলাবলি করেছে। মৃত্যুকে রহস্যময় করে তোলার কোনও অভিপ্রায় তাদের ছিল না, বরং তারা উত্তোরকম ভাবে থাকে। ভিন্ন প্রসঙ্গে মৃগাঙ্কদা বলেওছে ‘রহস্য মানুষকে টানে যেমন অন্ধকার,’ এষা বৌদির সংযোজন ‘আমরা ভয় পেতে ভালবাসি, একটা নেশার মতো।’ ফুলমেসোর জীবনযাপন ছিল খুব সাদাসিধে, বাহুল্য পছন্দ করতেন না একেবারে, নিজের চারদিকে রহস্যের বলয় তৈরির চেষ্টা কখনও করেননি। একবার বলেছিলেন, ‘আধখানা সত্যের জন্য লড়াই আর ভাবছি মিথ্যের বিরুদ্ধে লড়াই করছি।’ এষা বৌদি এই উক্তি এরকম ব্যাখ্যা দিয়েছিল :

‘আরামের জন্যই হাত-পা ছুঁড়ে মরিছি, ব্যক্তিগত আরাম, এর একটা গালভরা নামও দিইনি। এই ছিল বাবার মত। আমার কেমন শক্ত-শক্ত লাগত এসব কথা। বাবা মনেপ্রাণে বিশ্বাস করতেন এই স্বাধীনতা— প্রগতি একটা মস্ত ধাপ্পা।’

বড় বড় বদলির এ হল একটা নমুনাঘর। এইসব বদলি যে আরও বড় ধাপ্পা মৃগাঙ্কের তাতে কোনও সংশয় ছিল না। যখনই পৃথিবীর কোনও না কোনও প্রান্তে এ ধরনের বদলির কুশপদতুল দাহ করা হয়েছে আনন্দে টেবিল চাপড়েছে মৃগাঙ্ক। মানদুষের এগিয়ে চলার বহিমুখী রূপটিই সে চেনে, তার প্রতিই মৃগাঙ্কের যা কিছু আস্থা, বিশ্বাস। ‘অন্ধ যাত্রা’ ফুলমেসো বলতেন। এই ধরনের ব্যাবসায়িক কথাবার্তার কেন্দ্র ছিল একটি জীর্ণ বাড়ি, ৩/৪ পুরুষের ভিটে। মৃগাঙ্ক-এষা বাড়িটিকে দেয়াল বলে মনে করত, তারা সন্তানের ভবিষ্যত, নীলের ভবিষ্যত নিয়ে উৎকণ্ঠায় দিন কাটাত। এই বাড়িটির দেয়াল নীলকে খাঁচার পাখি বানাবে, মৃত্যুদণ্ড দেবে, তারা ভাবত। আর ফুলমেসো বলতেন ‘শুধু দেয়ালই দেখালি, দরজা দেখালি না।’ এতে নবীন-প্রাচীন স্বপ্নের একটা চিরকেলে বাসি গল্প দানা বাঁধতে চায়, ফুলমেসোর উদাসীনতা তার ঠাণ্ডা জীবনধারা ওই গল্পটিকে ধুয়ে দেয়, তাকে অস্পষ্ট করে তোলে।

ফুলমেসো একটি বাক্যও লিখে রেখে যাননি, উচ্চাকাঙ্ক্ষী লেখকের মতো পান্ডুলিপিকে জীবন দান করতে আত্মহত্যা করেননি। এখন, তাঁর অন্তর্জীবন সম্পর্কে আত্মবিশ্বাসের নানাবিধ মন্তব্য করে, তাদের কণ্ঠস্বর ছুঁয়ে থাকে একপ্রকার বিপন্নতা ‘সুইসাইড নোটের মতোও দুর্লাভ লিখে যেতে পারতেন।’ জীবনে গভীরভাবে আসক্ত, সংসারী লোকজন এক বৃন্দের অনীহাকেও সহ্য করতে পারছে না। এইটিই রয়েছে তাদের বিপন্নতার কেন্দ্র। এবং ওই মানদুষ্টি যেন শহিদনামার বিপরীতে ছিলেন, ২৮৩ পৃষ্ঠার বৃত্তান্তটিকে হাস্যকর করে তোলেন একটিও শব্দ না লিখে, তিনি একটি সম্ভাব্য গ্রন্থকেই শহিদ হওয়ার পরোচনা দেন। এবং এটি দৃষ্টান্ত হিসাবে গৃহীত হলে, প্রভাব বিস্তার করতে পারলে, সাদা পাতায় অক্ষর আঁকতে হাত কেঁপে উঠবে অনেকেরই।

## কাহিনী

বেলগাঁছার কোনও একটি সেন বাড়িতে এই মূহুর্তে সব থেকে জরুরি হয়ে উঠেছে নোনাধরা ইন্ট ও থামের বাহুল্য চিহ্নিত উত্তর কলকাতার একটি খাঁচা তথা বাসস্থান জলের দামে বেচে দেওয়া নিয়ে কড়াগাড়ার হিসেব। দু-জন পুরুষ মুখ্য আলোচক, ছত্রিশের জনৈক যুবতী মুখ কিস্তু মনোযোগী শ্রোতা। আর এক কিশোর কথোপকথনের এই বৃত্তটি ছুঁয়ে থাকলেও সে এক অনিশ্চিত ভবিষ্যতের মতো ঠিক এই সময়সীমায় নেই। তবে সম্প্রতি ও জীবনযাপন মেলানো-মেশানো যে কথাবার্তা চলেছে তাতে মাঝেমাঝে ভবিষ্যতের দিন, সময় প্রসঙ্গে এই কিশোরের নাম উল্লেখ করা হচ্ছে। আলোচকরা

পিতাপুত্র কিন্তু আলোচনার ধরন বীমা কোম্পানির দালাল ও তার মক্কেলের মতো হওয়ায় সম্পর্কটা চাপা পড়ে গেছে। অতীতের জন্য বৃদ্ধের এক দুরারোগ্য ব্যাধি রয়েছে, এই ব্যাধিতে আক্রান্ত বলেই তিনি একপ্রকার স্থান দাসত্বে আর স্বাভাবিক নেই, সুস্থ নেই— এমনটা হলে গ্রামবাসীর ভিটের টানের সঙ্গে যেমন এর তুলনা চলত তেমনি পরিস্থিতিও কিছুটা সাদামাটা হতে পারত। বা, একালের চর্চালশের পুরুষ বৃদ্ধো বাপকে আবর্জনা ভেবে তাকে ছুঁড়ে ফেলে দিতে চাইছে অনির্দিষ্ট ভিড়ে, বিস্মৃতিতে— যদি এমন হতো তাহলেও বেশ একটা মূর্ত বাস্তব থাকত নির্দয়তার নথরাঘাত সমেত। এই কাহিনীতে বৃদ্ধের অর্থহীন গোয়াতুর্মি ছাড়া প্রথমটায় আর কিছুই খুঁজে পাওয়া যায়নি।

ভবিষ্যত জীবনযাপন, বংশপালন ও সামনে যে সংকটকাল রয়েছে কী ভাবে সেই বিপন্ন সময়ে কিশোর নীল সুস্থভাবে বেঁচে থাকতে পারে, প্রতিযোগিতার প্রকৃত যোগ্য হয়ে সবলে বেঁচে থাকতে পারে স্বচ্ছল মধ্যবিত্ত হিসাবে, সে সবার বিশদ বিবরণ, জীবনের সেই রুপিস্ট এই বৃদ্ধকে বহুবার দেখিয়েছে মৃগাঙ্ক। এখন তার মনে হতেই পারে নয়নবাবু এদের কাউকে নিয়ে, তাঁর বংশধরদের নিয়ে আদৌ চিন্তিত নন, উদ্বিগ্ন নন। মৃত্যুর বয়স হয়েছে তাঁর, আর সেটা টের পেয়ে তিনি এমন স্বার্থপর হয়ে উঠেছেন যে নয়নবাবুর মৃত্যুর পর কার কী হল, কার কী হবে তাতে তাঁর কিছুই যায় আসে না। বাকি দিনগুলো অতিপরিচিত দেয়াল, সিঁড়ি, কলতলা, রক, দোতলার লম্বাটে ঘরটির বিশাল জানলার ধার, গালি, ঘ্রান আলো আর ভেজা ভেজা গন্ধের অন্তহীন নিশ্চয়তার মধ্যে কাটিয়ে দিতে চান। বলেনও ‘চাকচিক্যের মধ্যে কেমন একটা প্রতারণা আছে।’ ‘ঠকতে খুব ভয় পাও?’ মৃগাঙ্ক নয় হাসিহাসি মুখে এষা এই বাক্যটি টেনে টেনে বলোছিল। বৃদ্ধের এক মারণাঙ্গ আছে, বড় কম কথা বলেন, আর সেই শূন্যস্থান ভরে দেয় নিজের মনে অন্তহীন ভেবে চলা, মীমাংসার পর মীমাংসা খোঁজ। ‘আমার বাবা একাট চিন্তাজীব’ মৃগাঙ্ক আড়ালে নয়নবাবু সম্পর্কে এই মন্তব্যটি আকছার করে থাকে। চিন্তাজীবটি কিন্তু ক্রটি নিজের কথা খুলে বলেন, হয়ত তিনি জানেন মৃগাঙ্ক-এষা সেসব কথার কদর বুঝবে না, বা তিনি যা-যা ভাবেন, যেভাবে ভাবেন এদের মন সে পথে চলেই না, সুতরাং অনর্থক বাক্যব্যয়ে বিভ্রমবনাই বেড়ে যাবে শূন্যে।

তুমি, আমি

‘শূরোরের আত্ননাদে উৎসব’ শূরু হয়েছিল কবে। ‘অগণন মানুষের শব শস্য’ হয়ে আছে এইখানে, আমরা এই উৎসব, শূরোর ও শবের স্তুপের কাছে আছি এবং এই স্থানটিকে কী নোংরাই না করলাম!

মাফ করো।

মাফ ! কীসের !

কত ভুল করলাম, অন্যায় করলাম...

আমি কে ? মাফ করার !

তুমি জন্ম ! তুমিই তো সব !

মানবজন্ম ! আমি ! ধ্যাত !

সাবানের ফেনায় ঢাকা তাঁর মুখটি আয়নার এখন । সেই মুখটির বয়স যেন হাজার বছর । হাতে ধারালো রেজর, রেজর সমেত নয়নবাবুর হাতটি গলার কাছে এসে থেমে আছে, তিনি দেখতে পাচ্ছেন । এইভাবে দেখার সময় কতক্ষণ, হতে পারে দু-দশ মিনিট, হতে পারে দু-দশ বছর, হতে পারে এইভাবে দেখতে-দেখতে নয়ন আর থাকবে না, আয়না তাঁকে মুছে ফেলবে । ধ্যান ভেঙেছিল সহসা, তবে কিছু চিহ্নে আগাম জানান ছিল : এবার দৃশ্যটি ভেঙে যাবে । নয়ন তোমাকে সকলের কাছে যেতে হবে, তারা সবাই তোমাকে দেখে থুঃ থুঃ করলে তবেই তোমার মুক্তি । এখানে মুক্তির কথা কোথেকে এল নয়ন জানেন না । তবে মুক্তির পিছাপিছ 'অভিশাপ' শব্দটিও এল এবং তিনি বদ্ব্যভিচারে পারলেন পাষণ্ড অহল্যার রূপকথাটি তাঁকে তাড়া করছে ।

মৃগাঙ্ককে ডেকে বললেন : 'হ্যাঁরে, ব্যর্থ মানুষই চটপট সন্ত হতে চায়, তাই না ? ( মৃগাঙ্ক চুপচাপ ) হাদাগোবা হয়ে যাচ্ছি । কী সব... গুচ্ছের বাজে কথা ভিড় করে আসে ।

বিড়াবিড় করে চলেন : শৈশবের শিক্ষার কলুষ, বিদ্যার্জনের চেষ্টা আমার একমাত্র ক্রিয়াপদ । কে বা নেই সেখানে, বিজ্ঞান যুক্তিটুকি কত কী...

### মাতৃতান্ত্রিক

মৃগাঙ্ক জন্মাবধি দেখে আসছে তাদের পরিবারের ধরন মাতৃতান্ত্রিক । আরও আশ্চর্যের ব্যাপার তার মায়ের নাম মৃন্ময়ী । রূপকথা মনে হয়— মা, মাতৃতান্ত্রিক, মৃন্ময়ী । পরিবারে হালকা টুকরো মেঘের মতো, অন্যান্যনস্কভাবে, থাকা আর না-থাকার অন্তর্বর্তী এক স্তর ছড়িয়ে বাবা থেকে গিয়েছিল । কেউ মনে করতেই পারত মানুষটা এ পরিবারে এক আতিথ্য মাত্র । বা এমন কেউ যে দীর্ঘদিন পরবাসে ছিল, এখন ফিরে এলেও ঠিক ধাতস্থ হতে পারেনি । 'একদিন ঘরদোরে আগুন লাগিয়ে একবস্ত্রে চলে যাব যৌদিকে দুসোথ যাব' মৃন্ময়ীর এই অগ্নি উৎসাহ, এই বিকারের দিকে নির্বাক দৃষ্টিতে এমনভাবে তাকাত নয়নবাবু যেন রাস্তাঘাটের কোনও নাটকীয় দৃশ্য দেখছে । বা মৃন্ময়ীর জীবনটা যে এইভাবে পড়ে থাক হয়ে যাচ্ছে সে জন্য এক গভীর মর্মবেদনা অনুভব করছে নয়নবাবু । আবার মানুষটা সম্পূর্ণ অপদার্থ নয়, মৃন্ময়ীকে সে কিছু মারাত্মক অভাবে রাখেনি, তবে কী যেন নেই, কোথায় যেন অভাবের বিশাল গহ্বর, যখন-যখন মৃন্ময়ী তা

টের পেত, জমাট অন্ধকারের সেই গহ্বর স্পষ্ট হয়ে উঠত সাধারণ নারী মৃন্ময়ীর মাথার ঠিক থাকত না, দপ্ করে জ্বলে উঠত আগুন।

‘উৎসাহী, আমদে লোকের সঙ্গে যদি তোমার বিয়ে হতো মৃন্ময়ী...’ এই জাতীয় বাক্য মাঝেমাঝে উন্মত্ত রেখে মৃদুহৃৎের মধ্যে ঢুকে পড়তেন সেই ভয়ঙ্কর অসম্পৃক্ত একাবোকার খোল বা খোলসটির মধ্যে। নয়নবাবুর নির্বাক, নিশ্চেষ্ট থাকটা আদতে কোনও স্বাভাবিক গড়ে তুলত না, এ ছিল জমাট কাঠিন এক বোরডম। মৃন্ময়ী-মৃগাঙ্ক আক্রোশে ফুঁসে উঠত। মৃন্ময়ীর মৃত্যু হলেও রয়ে গেছে সেই আক্রোশ, অবিনশ্বর এক জ্বলন। মৃত্যুর সময় মৃন্ময়ীর মৃত্যু বোঁকে গিয়েছিল, মৃগাঙ্ক তখন হায়ার সেকেন্ডারি পরীক্ষা দিচ্ছে, ফিজিক্স পরীক্ষা দিয়ে এসে মৃত মায়ের মৃত্যু দেখে সে আঁতকে উঠেছিল। কী অপরিসীম ঘৃণা মৃন্ময়ীর চোখে! সেই ক্ষণ চিরন্তন, এক সর্বনাশা ভোজবাজি। মৃগাঙ্ক বড়কে পড়েছিল অতি সরলীকৃত একটি মতের দিকে, নয়নবাবুর বিরুদ্ধে খুনের অভিযোগ খাড়া করেছিল মনে মনে।

মৃগাঙ্কর হয়ত মনে নেই, তুতুন অর্থাৎ নীলের জন্মের পর মিতভাবী নয়নবাবু একদিন নিজে থেকে কথা শব্দ করছিলেন ‘তাহলে বাবা হলে’— একথার কোনও জবাব অনাবশ্যক ছিল।

এই সম্পর্কটা, বাবা-ছেলে, কী মনে হয়, মানে সম্পর্কটার ধরন...

কী জানি।

ভূমি অবশ্য নবীন পিতা।

বাবাকে, মাকে শব্দে, নিংড়ে নিয়ে সন্তান বেড়ে ওঠে, একটি জীবন স্থিতি পায়, যতই সে সবল হতে থাকে বাপমা কি ততটাই দীর্ঘজীর্ণ, মৃত্যুমুখি হয়ে পড়ে না? এবং এই মৃত্যুরোধে, অমোঘ ধ্বংস ব্যর্থ করতেই শিশুটির পরিচর্যা, তার ভবিষ্যত দৃঢ় করতে, নিজেদের মৃত্যু থেকে রক্ত তোলে না? এই জীবনমৃত্যুর, দিবসরাত্রির মধ্যে নিজেদের খুঁজতে যাওয়া, অন্বেষণ যেন আর নয়নবাবুর মর্নাচরের কোথাও নেই। আর যারা বাপ-মা হয়নি? তাদেরও বাৎসল্য আছে, কিছ-না-কিছ একটা আঁকড়ে ধরবেই।

—জীর্ণ বাড়িটি কি নয়নবাবুর সেই অবলম্বন, তিনি কি এই বাড়িটিতে প্রাণ প্রান্তিস্থ করেছেন?

মোচাকের বেশি কিছ-নয়, তিনি বলে থাকেন। অজন বনে এটি মোচাকের নামান্তর। এই রকম গুঢ়, অব্যেত কথা বলে থাকেন। বেশ একটি ন্যালাক্ষ্যাপাভাব থাকে এতে, নিজের চারপাশে গড়ে তোলা যায় একটি বলয়, মানদুষ্টা তাতে স্পর্শসীমা এড়াতে পারে। চরিত্রচারণ বেজায় সর্বাধিকারক এক্ষেত্রে কিন্তু এই যে একটা টাইপ গড়ে ওঠে, আধুনিক মানদণ্ডের অভ্যাসে, বস্তুধর তাতেও প্রবল আপত্তি। ‘ওটা মৃত্যুদণ্ড!’ প্রায় আঁতকে ওঠেন, বোঁকে যায় ঠোঁটের মাংস, দাঁত দেখা যায় তখন। তিন জন পুরুষ ও একমাত্র নারীর এই চতুষ্কোণ ক্ষেত্রটির মধ্যে তথ্য ও ইতিহাসভোজী সময়ের অস্তিত্বে

তিন প্রজন্ম কাহিনীর যে সম্ভাবনা, তাকে নস্যং করে দিতে এমনামন আচরণ নির্বাচন করেন যে নিম্নেই সময় বিদ্রাট ঘটে যায়। যেন তারা সত্যিসত্যি কালপ্রোতে ভেসে এসেছে, জীবনের সন্তানমাত্র, রিস্তে-সম্পর্ক কিছু নেই তাদের মধ্যে, শহুরে এক ন্যাড়া বীপে বিভিন্ন বয়সের চারজন মানব-মানবী, বড় বেশি নাট্যকেপনা, মৃগাঙ্কের মনে হয়। কিন্তু উপস্থাপনা উগ্র নয় বলে, চড়া রং না-রাখার কারণেও ঠিক তা বলা যাবে না। অস্ফুট, অস্পষ্ট এক দূরসঙ্গীতের মতো হওয়ায় সাতবাসি, ক্লিশে গোত্রের এইসব বাণী-মার্কা কথাও কেমন পাত পেয়ে যায়। 'ইতিহাস ঘটিলে দেখব আমরা যাযাবর ছিলাম' নয়নবাবুর স্বগতোক্তি, এষা এই উক্তি, এই আঁচড়িটির উপর আরও কিছু দাগ কাটে, বাসিয়ে দেয় একটি মৃন্ড, হাত-পা এঁকে ফেলে : বন্য ছিলাম, মহাদেশ হেঁটে শেষ করেছি। তাই না বাবা ? ( নীরবতা ) হাজার বছর। ( নীরবতা )।

ব্যক্তিজীবন থেকে, পারিবারিক জীবন থেকে হঠাৎ হঠাৎ মানবজাতির একটি মোটা কম্বলের মধ্যে ঢুকে পড়া ও সেখান থেকে চাপা খসখসে গলায় সহজিয়া কথা বলাটা এষা-মৃগাঙ্কের পছন্দ নয়। সবুজপ্রেমী, পরমাণু অস্ত্র বিরোধী, প্রবল গতির বিরোধী, আধুনিক সমাজের বিরোধী একজন সুন্দরলাল, একজন বাবা আমতের সামনে যেন বসে আছে তারা। খবরের কাগজ ও টি ভি-র খাদ্য হতে পারত এই মানুষটা যদি আরও সাহসী, আরও খোলামেলা হতো, আরও জীবন থাকত। সে কথা স্বতন্ত্র। বীরত্বগাথা। নয়নবাবু সেরকমটি হয়ে ওঠেননি, তার চলা-পথ কিছুটা অবিলম্ব্যও বটে। সাধারণের সাধারণ তিনি। যে জন্য এটি ঘোড়াব্যাধি ছাড়া কিছু নয়। আবার এ কথাটাও তারা জানে বলে চেষ্টা করে কিছুটা সংযত থাকতে, আরও চেষ্টা করে বৃদ্ধকে একপ্রকার নিশ্চয়তা দিতে। যেন তিনি বোঝেন তাঁর ছেলে-বোঁ বৃদ্ধের আজগুর্বি স্বাতন্ত্র্যটুকু (!) স্বীকার করে। বোঝে যে বৃদ্ধেরও একটা পয়েন্ট আছে।\* প্রাকৃতিক জীবনকে আরামপ্রদ করে তোলার নিরন্তর চেষ্টা, অর্থহীন রক্তপাত, বীভৎস শব্দ ও গতির আধুনিক বর্বরতার দিকে পিঠ ফিরে দাঁড়ানোর মতো কঠিন কাজ মনে মনে বেছে নিয়েছেন বলে নয়নবাবুকে তারা সমীহ করে। যদিও তাদের অল্প বয়সের শতমুখ জীবনের শোষণবৃত্তির বিরুদ্ধে যেতে পারছে না। মৃগাঙ্ক, এষা। বয়স ! বয়স ! শূন্যই কি বয়স ? সময়শরীর !

চরিত্রটির কিছু নয়, সবই এক, বিকট মাংসপিণ্ডে এক ফোঁটা চেতনায় ধুকধুক। সবুজপ্রেমী কে নয় ? কে চায় বৃদ্ধ ? হিংসা ? মরণগতিরও কটর সমালোচক তারা। যতদিন না স্বপ্নের ঢেউ ধুয়ে দিচ্ছে, ভাসিয়ে নিয়ে যাচ্ছে শূন্য, কদর্য বাস্তব, তত দিন ? মানুষ তো বাঁচবে স্বপ্নযুগের আগেও, উত্তরণের আগে ? আর সেই বাঁচাকে

\* সারাটা জীবন চুটিয়ে চাকরি করে বুড়ো বয়সে মহৎ কিছু করার জন্ত অস্থির হয়ে ওঠা অনেক হান্তকর চরিত্র তারা দেখেছে। বৃদ্ধশ্রী ! ফুঃ !

পাকাপোস্ত করতেই এখনকার হিংসা তরঙ্গ, মাংস খুবলে নেওয়া, পরস্পরের। বৃন্দ্রের সুবিধা অনেক। সমাগত মৃত্যুই তাঁর শৃংখলমোচনে তৎপর হয়েছে, নয়নবাবুকে কিছুই করতে হচ্ছে না, যেন এক খোলা মাঠে, ধু-ধু প্রান্তরে পড়ে আছেন। ভূমিক্ষয়ের মতো একদিন অবলুপ্ত হবেন বলে। এইরকম অশক্ত জীবন, ভঙ্গুর হাড়, দুর্বল প্রাণেরই থাকে সেই শক্তি, মরতে-মরতে বেঁচে আছে যারা, জীবনের প্রান্তটুকু ছদ্ম্বে, তাদের পক্ষে গতি রুদ্ধ করা, প্রসারমান হাতটি টেনে নেওয়া, প্রায় নেই হয়ে যাওয়া মোটেই অসম্ভব নয়। মৃগাংক এইরকম ভেবে থাকে, এষার বিবেচনায় এর মধ্যে অবিচার আছে, নেহাতই যান্ত্রিক এই চিন্তা। সাধারণের জন্য মৃগাংক ছিটেফোঁটা জমি ছাড়তেও রাজি নয় বলেই তার দৃষ্টি ঘোলাটে হয়েছে। শিকারীবাজের দৃষ্টি পেয়েছে মৃগাংক। সে রয়েছে শূন্যে, আকাশ মিনার থেকে দেখছে, ওই দৃষ্টি নয়নবাবুকে গোঁথে নিচ্ছে, পিপড়ের মতো তখন নয়নবাবু। আকাশ মিনার তাকে ক্ষুদ্র থেকে ক্ষুদ্রতর করে।

লিটল ম্যান।

দ্য গ্রেট লিটল ম্যান।

ছেলে বাপকে খুন করবেই যেন। বাপ একটি মহাভুল, পুত্রের সংশোধনের জেদের মুখে খড়কুটো, তার মূল্যায়ন প্রবৃত্তির কাছে অসহায়, শূকনো তথ্য মাত্র।\* পাছে মূখ ফস্কে অবাপ্ত শব্দ বোঁরয়ে আসে, এই টেনশন রয়ে গেছে। পারতপক্ষে সে বৃন্দ্রের সঙ্গে তর্কে, আলোচনায় যেতে চায় না। ‘শরীর কেমন’, ‘ঘুম হয়েছে’, ‘ন-পিসির ওখানে গিয়েছিল’, ‘মনিংওয়াচ ভাল তবে বাগবাজার ঘাট অবধি কেন’... নয়নবাবু যখন এ-জাতীয় প্রতিটি কথার জবাব দিচ্ছেন, তখন তিনিও জানেন এসব কোনও কথা নয়, কথা বলার এক দায় মাত্র। মৃগাংকের অসুবিধা হচ্ছে, তার বোর লাগছে এই এক গতের কথা আউড়ে যেতে, ভাবছে কখন এই বিচ্ছিন্ন অস্বস্তি থেকে, ধেড়ে ছেলের রোল প্লে থেকে মুক্তি পাবে। বেঁচেবত্বে থাকার দরকার কিছু তথ্যের আদানপ্রদান, দু-চারটে সামাজিক কথা, খবরের কাগজে গণশবের ভিতর থেকে টেনে আনা একটা দুটো লাশ, ভয়ংকর চোখা কিছু উক্তি এইসবের কি মৃগাংক-এষার জগত পরিপূর্ণ? আর কি কিছুই নেই!! মানুষ থাকে গভীর সত্যটোতা বলে থাকে সেন্স কি বুদ্ধিরূপিক?

নয়নবাবু দেখলেন মৃগাংক ঘাড় নিচু করে কোলাপিসবল গেটটা টেনে ঢুকল, সবুজ পাল্লা ঠেলে দিল, সিঁড়ি দিয়ে নিঃশব্দে উঠে আসছে সে, ভাড়াটেরদের নেড়িকুত্তা তার জুতো শব্দকে গেল, মৃগাংকের ঠোঁট থেকে অব্যক্ত কথারা বরে পড়ছে, তার ঠোঁট থরথর করে কাঁপছে, হৃৎপিণ্ডের মতো স্পন্দিত হচ্ছে, যেন বিড়বিড় করে প্রার্থনা করছে সে, এখন কোণের ঘরে বিশাল আয়নার দিকে এগিয়ে যাচ্ছে, আয়নার মৃগাংকের হাতে পিস্তল...

\* ‘নকশালরা বিভ্রাস্তগরকে অন্ধি ছাড়াইনি, ভাবা যায় দাদা!’

বহুদূর, বহুদূরের ও দূর থেকে প্রায় শব্দহীন অতি অস্পষ্ট শিস ধ্বনির মতো কী একটা শব্দ ভেসে এল তা সংগীত নয়, গোষ্ঠানিও নয় কিন্তু সেইরকমই, যেন সংগীত আর গোষ্ঠানি ছদ্ময়ে দিয়েছে পরস্পরকে। এই অস্পষ্ট সুরে নয়নবাবুর দৃষ্টি মূহুর্তের জন্য ব্যাপসা হয়ে থাকবে, মূহুর্তের জন্য তিনি খুঁদন হলেন, মূছে গেলেন ( ...হি ডাইজ আপন হিজ মোশন ; সাইলেন্স দ্যাট ড্রেডফুল বেল, ... )। এরকম কি কখনও ঘটেছিল ? ঘটবে ? আবার যা তিনি স্পষ্ট, একেবারে জলজ্যন্ত দেখলেন সেটি ভুলেরই এক অপারমহিমা, ঐশ্বর্য্য প্রাপ্তি বলে জানেন। গ্রন্থিচ্যুত সময়ে চলে গিয়েছিলেন, মূহুর্তের জন্য হয়ে উঠেছিলেন সময়হীন। এই আজগুবি, উদ্ভট নাটক সমস্ত নির্দিষ্টতা, সমস্ত বিশেষের উপর মোটা তুলির রঙ টেনে দিয়েছিল, সমস্তই ন্যাড়া মাঠ, ধু ধু প্রান্তর তখন আর ওই সংগীতরেশ বা পিস্তলের শিস—

‘দ্যখ তোকে সত্যি বলি, অনেকদিন চেপে রেখেছি, মরার আগে বলেই ফেলি, কী চাই, কীভাবে বাঁচতে ভাল লাগে, মনে হয় হ্যাঁ কিছু একটা করছি— সেসব ঠিকঠাক বুঝে ওঠার আগেই বিয়ে থা করে সংসারচাকরি নিয়ে এমন ফেসে গেলাম, ( সেই যে একটা কথা আছে না, অম্লক মণাই ছিলেন থাসা, বে-থা করেই গেলেন গেঁজে )। অর্থহীন একটা স্তুপের নীচে চাপা পড়ে গেলাম। অ্যাতো ভয় কীসের বল দাঁখ, এখন তো হাঙ্কা হতে পারি, মৃত্ত হতে পারি কিন্তু কোথায় ! যা প্রাণ চায় করব ভাবি আর ঠিক তখনই কারা যেন, কী যেন হাঁ-করে গিলতে আসে। মানুষের জীবনে ফালতুর, ছাতানাতার যে কী অপারিসমী ভূমিকা ! যাচ্ছেতাই ! যাচ্ছেতাই ! পোষা কুকুরের মতো। হাজার লাখিবাঁটা হজম করবে শৃঙ্খ মাঝেমাঝে একটু লাই পেলে ( লোকটা হড়হড় করে বমি করছে )।

গুদালির শব্দ কী করে সংগীত হয়ে ওঠে, নিহত মানুষই বা বেঁচে থাকে কী ভাবে ? এখানে, এই বাড়িতে নয়নবাবু একা, তিনি তীব্রভাবে টের পান আর কেউ নেই। যখনই ওরা চলে যাবে ঠিক করেছে বস্তুত সেইদিন, সেই মূহুর্তেই গিয়েছে চলে। ‘কথার ডিম ফুটেই ঘটনারা জন্মায়’ নয়নবাবুর ভাবনা ‘কথাই আদি’।

সংস্কার আর দেশাচারের সাইলেন্সার বসানো আছে মৃগাঙ্কের মূখে, নয়নবাবু জানেন, নাহলে মৃগাঙ্ক মূখের উপর বলে দিড, ‘তোমাদের সম্পর্ক’ ভাল ছিল না আমি যৌন সম্পর্কের কথাও বলছি, যেখানেই হাত বাড়িয়েছ কিছুই পাওনি, এই ব্যর্থতা থেকেই যত সব জোলো কথা বলছ। আসলে তুমি একটি কাঙাল।’\*

বাংলা ভাষার অন্তিম শব্দ যেন, এই পর্যন্ত ভাষার বিস্তার, এরপর আর কিছু নেই, নয়নবাবু বিড়বিড় করতে থাকেন, ‘কাঙাল, কাঙাল।’ সত্যিসত্যি মৃগাঙ্কের সঙ্গে কথা বলেছিল কিনা স্মরণ নেই, তবে এইসব সত্যিামধ্যে মামুদলি, সংলাপধর্মী চিন্তা ভাবা থাক,

\* ঠিক এই বাক্যটি মৃগাঙ্ককে বলতে শুনেছেন নয়নবাবু, এক ডিভোর্সি বন্ধুকেই বলেছিল সম্ভবত, আলটপকা সেই কথাটিই মনে পড়ে গেল এখন।

চরিত্রেরা আছে সংলাপের খাতিরে ।

কাঙাল কে নয় মৃগাংক !

যার শক্তি আছে, যোগ্যতা আছে ।

হ্যাঁ, তাই ।

সত্যতা ! সেখানেও এই এক নিয়ম ?

এটা থাকবেই ।

তাই আমাদের ভাড়াটেরা মরবে ? ওদের হাবাগোবা ছেলেটা রাস্তায় পড়ে থাকবে ।

পপুলেশন এক্সপ্লোশনে এমনটিই হয়, অনেকগুলো জাত হয়ে যায় আর একেবারে তলায় খারা থাকবে তারা মরবেই, তুমি মাথা কুটেও কিছ্ করতে পারবে না ।

ওদের তাহলে শাস্তিতে মরতে দেওয়া উচিত । কার্যকারণ অন্তত তাই বলে...

শহরে মতামতের যে আবহাওয়া রয়েছে মৃগাংক কী করে তার বাইরে থাকে । জন্ম এই দেশে এখন বিব, একথা সে বলে না । কিন্তু তাকে মনে করিয়ে দিলে মৃগাংক বলবে, 'তোমাকে সত্যি কথা বলি আগে সচেতন হলে আমি নিঃসন্তান থাকতাম, কলকাতায় এখন এরকম দম্পতির সংখ্যা একেবারে নগণ্য নয়, এরা আগেই ঠিক করে রেখেছে,— ভুলেও বাচ্চা নয় ।' অশিক্ষিত, বোনোন্মাদ নারীপুরুষের কৃতকর্ম রাস্তায়, ডাস্টবিনে সাদা ন্যাকড়ার পুঁটলির মধ্যে পড়ে থাকতে দেখেছেন নয়নবাবু । সন্তার নাটক-নভেল লেখা হয়েছে ওই পুঁটলিকে সম্বল করে । পরিত্যক্ত সেই শিশুদের কেউ-কেউ বেঁচেও গিয়েছে ( অন্য কেউ তাদের উপহার ভেবেছিল বলে ) । ব্যক্তি বিশেষের সন্তান নয় তারা, জীবন-প্রবাহের এক নির্দয় উপমা । সেই সব রক্তফলের দিকে অন্ধকার পথে ছুটে যাচ্ছে ছুঁরি, কাঁচি, সূঁচ, তুলো, ডেটলজলে স্নান সেরে নিচ্ছে ছুঁরি কাঁচি, ডেটলে তুলো ভিজছে । 'ভুলেও নয়, ভুলেও বাচ্চা নয়'— এরকম ভুল তাহলে এখনও হতে পারে, ভুল হওয়ার সম্ভাবনা একেবারে নিশ্চিহ্ন হয়নি । পৃথিবীর চামড়ায় জন্ম চিহ্নের মতো একটি জড়ুল থেকে গেছে । হয়ত একদিন সেও আর থাকবে না, রাক্ষুসে পরিবর্তন গিলে খাবে তার কালচে মাংস, বড় বড় লোম ও চামড়ার গোটগুলি ।

জন্ম শেষ হবে সেইদিন ।

মহাত্মার ছদ্মবেশে এক বাচাল

ইংরেজি এল অক্ষরের ছাঁদে নিচের তলায় যে ৬-৭টি ঘর, ২টি বাথরুম, শ্যাওয়ার কাপেটিটি রয়েছে সেখানে ৩০-৪০ বছর ধরে টানা বসবাস করছে গুটিকয় পরিবার, এখানেই তাদের কেউ না কেউ জন্মেছে, মরেছে । সমস্ত পরিবর্তন উজিয়ে, দুর্ভিক্ষ-দাঙ্গা আর্থিক সংকটের উষ্ণি এঁকে নিয়ে বেঁচে আছে তারা । একতলা আর দোতলার মধ্যে দুস্তর ফারাক, ভাষা, খাদ্যাভাস, আচরণবিধি সমস্তই এতখানি আলাদা যেন তারা

বিশাল পৃথিবীর দুই প্রান্তে লেপ্টে থাকা দুটি পৃথক জনগোষ্ঠী, রয়েছেও যেন সভ্যতার দুটি ভিন্ন স্তরে, তাদের মধ্যে হাজার বছরের ব্যবধান।

‘টাইম-স্পেস ডিফারেন্স বলা যেতে পারে’ মৃগাঙ্ক যেন এক বিস্তবান ট্রান্সিস্ট, নিম্পৃহ, নিরপেক্ষ, এক পর্যবেক্ষক। বাঁচার অধিকার যে অর্জন করতে হয় রক্তবর্ম করে, মানুষের মাথাটিকে হিসেবের নিভুল যন্ত্রে পরিণত করে, এই কথা সে এখন চাইকার করে বলছে। ঘোষণা করছে। ফ্যাসফেসে গলায় তীর খর্চ তরঙ্গ সৃষ্টি করছে। আর প্রতিটি শব্দকে বিশ্বাস করছে এক গোড়া ধার্মিকের মতো।

শব্দ ও ধর্মের সঙ্গে মানবদেহের কী এক সূক্ষ্ম জৈব সম্পর্ক রয়ে গেছে। খসখসে মেঝের কাগজ ঘষটালে একপ্রকার শব্দ হয়, নয়নবাবু সেই শব্দ সহ্য করতে পারেন না। অস্থির-অস্থির লাগে। মনে হয় এই শব্দে তিনি ফেটে যাবেন। আবার ভাড়াটেদের ওঠাবসা, নড়াচড়া, বাঁচা-বৃত্তান্তের শব্দ তরঙ্গে বড় নিরাপদ লাগে। জীবনের এই বলয়ে নিজেকে সুরক্ষিত বোধ করেন। মৃগাঙ্ক চেতনার কথা বলে, বড় বেশি সচেতন সে, আর নয়নবাবু যেন নিদ্রা, স্নোতে ভাসা শূন্য, জলজীব, যেমনটি ছিলেন গর্ভে। এও এক কল্পনামাত্র। কোথায় গর্ভ আর কোথায়ই বা তিনি। তবু সবাইকে শুনিয়ে তিনি একথা বলবেনই :

অলৌকিক, অবিশ্বাস্য ব্যাপার, শ্যামাসঙ্গীতে যেমন ‘আমি মা তোর সঙ্গে যাব’ কতবার এই ইচ্ছে দমন করলাম, খুন করলাম, কোনটা যে মুক্তি! মা’র পেটে ফিরে যাওয়া নাকি গ্রামশহর তোলপাড় করে বাঁচা, তারপর নেতিয়ে ঘাড় কাত করে মরে পড়ে থাকা?

এইটি পাত্তি লোকচার ভাবা সম্ভব ছিল যদি না নয়নবাবুর মূখচোখের দিকে কেউ তাকাতে, নয়ন তখন ঘোরে আছেন, ভর হয়েছে তাঁর। মৃগাঙ্ক আর এষা দেখেছে শান্ত মানুষটা কী গভীরভাবে নাড়া খেয়েছে। তারা অভিভূত হয়ে পড়ে, যদিও শব্দ কাঠকাঠ হয়ে থাকে, না, কিছুতেই বিশ্বাস করবে না, তারা একে হিস্টেরিয়া বলে জেনে ফেলেছে, বাস্তব এখানে খড়কুটো। নয়নবাবুর যন্ত্রণা সত্যি, তার কণ্ঠস্বর সত্যি, তার উৎকণ্ঠা ও ব্যর্থতা সত্যি, নিজের প্রতি ঘৃণা ও এইসব সত্য ঘটনায় নয়নবাবুর ওই আকুতি সন্দেহ-সীমা পেরিয়ে যেতে পারে অনায়াসে। আর তখনই ভেবে ফেলা হয়, এই পরিবেশে এভাবে কথা বলা এক উদ্ভট কাণ্ড, বেমানান। যেন দেড়-দুশো বছর একসঙ্গে কথা বলে উঠছে।

এক বহু হয়েছে, সহস্র স্বর আলোড়িত করছে বাতাস। এটা কী করে হয়! আর এই ‘প্রলাপ’ থেকেই পাগলামির কথাটা মনে এসেছিল মৃগাঙ্কের। ‘পাগল হলে বাবা!’ গাঢ় স্বরে উচ্চারণ করেছে মৃগাঙ্ক, নয়নবাবু মৃগাঙ্কের মুখের উপর নিজের দৃষ্টির বিস্তার ঘটতে দিয়েছিলেন। তার সেই দৃষ্টি যেন গভীর সংবেদনশীল হাত, মৃগাঙ্কের মূখ-চোখে যার নরম স্পর্শ, তালুর উষ্ণতা ছাড়িয়ে পড়ছে ‘কী যে বলিস!’ পাগল কে এইটি সনাক্ত করা নয়নবাবুর উদ্দেশ্য নয়, তিনি যেন ভাবতেই পারছেন না কথাটা, ‘এটা কোনও প্রশ্ন হল!!’ জগতে সবাই ক্যাপা গোছের এক জলোদর্শন (হাড়-হাভাতে এই দেশে কেন যে এত কবি! এত দার্শনিক!) পাছে টেনে আনেন সেইজন্য মৃগাঙ্ক মরিয়া

হয়ে ধাঁপিয়ে পড়ে, ‘আলবাৎ, যা-তা বললেই হল।’ নয়নবাবু কথা থামিয়ে দিলেন, শুশ্ব হলেন, সেই দিনটি ওই শুশ্বতার ভেসে গেল। বলবার মতো ঘটনা আর ঘটনি। শুশ্বতার ঠোঁট নড়েনি একবারের জন্য। বিপুল এক জৈব জীবনের কোথায় যে ঠোঁট, তারা তা খুঁজেও পারনি।

গারদখানার সঙ্গে একতলার ঘরগুলির তুলনা করাটা মোটেই বেথাপ্পা কিছু নয়। আরু আর আলোর মধ্যে আপোস করে ওঠাটা সম্ভব হয়নি। লখনউর এক রাজমিস্ত্রি কলকাতার বনোদি বাড়িগুলির নকল করার ব্যর্থ চেষ্টা করেছিল, নয়নবাবুর বাবা তাকে খুব উৎসাহ দেন কিন্তু অটেল টাকা না থাকায় শেষপর্যন্ত পারিকল্পনায় অনেক কাটছাঁট করতে হয়েছিল। এই প্রক্রিয়ায় একতলার ঘরগুলির ভিতরের দেয়াল থেকে অন্ধকার মূর্তিমান হয়।

জন্ম নষ্ট হবে জেনেও যারা বেঁচে আছে এইরকম আঁধারজীবী খোপে, যারা খবরের কাগজ না দৃশ্য কোনটা বন্ধ করবে সাশ্রয়ের জন্য এই নিয়ে সারা মাস তর্ক করে, পুনঃ-প্রবাহের মধ্যে পৃথিবীর পাতালে এমনই তলিয়ে থাকে তারা, যেন কেউ কোনওদিন তাদের উচ্ছেদ করতে পারবে না। কলকাতার পুরনো বাড়ির দেয়াল, কোণ ও কপাটের ফাঁক থেকে অন্ধকার উড়ে আসে এই নষ্ট জীবন রক্ষা করতে।

দরিদ্র, নিম্নবিত্ত ভাড়াটেরা মৃগাঙ্কের অগ্রগতি রোধ করছে, অগ্রগতির প্রতিবন্ধক এইসব সামান্য মানুষ। জীবনে বড় হওয়ার, দৃষ্টান্ত স্থাপনের, সাফল্যের, জয়ের স্বপ্ন নেই তাদের চোখে। বেঁচে থাকাটুকুই তাদের একমাত্র সম্বল। এই পতিত জমিতে পা ছড়িয়ে কেমন থেবড়ে বসে আছে পল্টু, ঝেঝে থেকে মূড়ি খুঁটে নিচ্ছে। একদানা মূড়ি তুলে সেই মূড়িটি ঠেলেছুলে মূখের ভিতর চালান দিতে দশ-পনেরো মিনিট লেগে যায় তার, পিঁপড়ে কামড়ে ফুলিয়ে দিচ্ছে পা, পল্টু পা টেনে নিতে পারছে না টিপে মেরে ফেলতে পারছে না ডেয়ো পিঁপড়ে। পল্টু ‘আ-আ’ করছে তো করছেই, দুপদুর সেই স্বর, ‘আ-আ আ— আ আ আ—’

দুপদুর এক জ্বলন্ত শূন্যতা, মৃগাঙ্ক আর এষা চলে ঘড়ির কাঁটার খোঁচায়, নীলও, বাড়িটিতে দুপদুর খা খা করে, দুপদুরের দুর্দান্ত আলো কোণা-খুঁপাচি আর আসবাবপত্রকে জীবনদান করে, এই শতুপের মধ্যে, দাহ্য পদার্থের মধ্যে থেকে যান নয়নবাবু। তিনি নাকি বেশ কয়েকবার ভেবেছেন, দিব্য দেখেছেন, আসবাবপত্র কীভাবে গড়ে ওঠে মানুষের জীবন শুষে। একে পুঞ্জীভূত সময় বলে ভাবা সম্ভব ছিল।

নীল আর পল্টু সময়সসী কিন্তু সময় দুজনের মধ্যে সমভাবে বণ্টিত হয়নি, তাদের শক্তি ও সঞ্চয় সমান নয়। নরম একতাল মাৎসের মধ্যে একরান্ত জীবন নিয়ে দুজনই জন্মেছিল, সেই অপরিণত জীবন পল্টুর ক্ষেত্রে আর শক্তপোক্ত হল না, সে এখনও মূড়ি খুঁটে খায়, ডেয়ো পিঁপড়ে তার পা ফুলিয়ে দেয় আর ছেলেটা ‘আ-আ’ করতে থাকে।

নীল! নীল!

নিঃশব্দে এই ডাক উঠে আসছে বৃকের ভেতর থেকে, ন্যাড়া মাঠ, হাড়ের স্তূপ, কাদার মতো নরম মাংসপিণ্ডের ভিতর থেকে। এখনকার নীল নয়, ভবিষ্যতের নীলকে ডাকছেন নয়নবাবু। আর ডাকতে-ডাকতে রূপকথার সেই দৈত্যের স্মৃতি জেগে উঠল এমনভাবে যেন তা সত্যিই স্মৃতি, রূপকথা নয়। বাস্তবেই এক দৈত্য ছিল, সে অতীত মানুষ, দৈত্য হয়েছিল, যেন বর্তমান-ভবিষ্যতেও আছে সেই এক দৈত্য মানুষ। কাজ পিপাসায় যার গলা শুকিয়ে কাঠ, হাত ফেটে যাচ্ছে, কাজের হুকুম মূহুর্তে তামিল করে আরও আরও কাজ চায় সে, এই ক্রীতদাস কর্মী কাজ না পেলে খুন করবে, সৃষ্টি ধ্বংস করবে।\*

ফুলমেসোর ধারণা হয়েছিল জীবনে তিনি নিজেও কিছুর কম পাপ করেননি। কাজ এবং পাপের একটি সহজ সমীকরণে বিশ্বাস করতে শুরুর করেন বলেই এরকম ভেবেছিলেন। একতাল নরম মাংসের পূর্ণবয়স্ক মানুষ হয়ে ওঠার মধ্যে তিনি কোনও পূর্ণতা দেখেননি। সময় ফল ভাবতেন, যা পোকায় কেটে দেবে, পচে-গলে যাবে শেষপর্যন্ত। এবং তিনি যেন এই শেষটুকু দেখে ফেলেছেন, এই পর্যন্ত পৌঁছে গিয়েও বেঁচে আছেন। এখন ভাবতে বাধ্য হচ্ছেন শেষের পর কী আছে।

তার গলার স্বর ফেঁসে গিয়ে কেমন ভৌতিক হয়ে উঠেছিল, এমন এক প্রান্ত থেকে শব্দরা উঠে আসত, বা সেইসব শব্দে ফুলমেসো যে ধরনের অভিজ্ঞতার কথা বলতে চাইতেন এষা, মৃগাঙ্করা তার বিন্দুবিসর্গ বুদ্ধিতে না পেরে ফ্যালফ্যাল করে তাকিয়ে থাকত, ফলে তার সমস্ত কথাই হয়ে উঠতে থাকে স্বগতোক্তি।

সময় তো থাকবে না গো মা,

কেবল কথা রবে।

কথা রবে, কথা রবে

মা গো জগতে কলঙ্ক রবে।

উনুনের ধোঁয়াও অস্পষ্ট কোলাহলের মধ্যেও পাতিলদুকুরে এক শান্ত সকাল উড়ে এল, ‘কথা রবে, কথা রবে মা’ এই গীতিটির সুরের দানা উড়ছিল। দূরে জং ধরা লোহা ও পরিত্যক্ত, অকেজো যন্ত্রপাতির স্তূপের উপর বসে ফেলু নামের ছেলেটা বৃদ্ধবৃদ্ধ ভাসিয়ে দিচ্ছে, সাত বাড়ি ঠিকে কাজ করা তার মা ‘ফেলু! ফেলু!’ বলে চীংকার করছে। বৃদ্ধবৃদ্ধের খেলায় ফেলু এমন ভূবে আছে, মরে আছে যে তার পক্ষে সাড়া দেওয়া সম্ভব নয়। যেন সাবান জলের প্রতিটি বৃদ্ধবৃদ্ধ ফুঁ দিয়ে ফোলানোর সঙ্গে-সঙ্গে ফেলুও সেই বৃদ্ধবৃদ্ধে ঢুকে পড়েছে, উড়ছে তারই প্রাণ, আর জলজ্যাস্ত শিশুটি মাটির পম্বুল হয়ে যাচ্ছে ক্রমশ।

\* মৃগাঙ্করা বলেছিল ‘কর্ম ভীতি! একটা মানসিক ব্যাধিতে বাবা ভুগছিলেন।’ এষা বৌদি এই ভীতির মধ্যে জ্ঞানান্ধুর দেখেছিলেন, ‘ধ্বংসের কথাটা ভাবুন’। মানুষের শিরের বালিশ এখন মারণাস্ত্র, এষা বৌদি পারমাণবিক ধ্বংসের কথা বোঝাতে চাইছিলেন যা আদতে এক বীভৎস কর্মময়তা।

ফেলুকে বৃদ্ধবৃদ্ধ ওড়াতে কে না দেখেছে ! ফুলমেসোর দৃষ্টি তাদের সকলের থেকে আলাদা । মামুলি শিশুসুলভ ঘটনাকে নাটকীয় করে তুলছে সেই দৃষ্টি । এবং খেতে বসে এই পর্যবেক্ষণের কথা তিনি বলবেনই । মৃগাঙ্ক, এষা এইরকম সব উদ্ভট কাণ্ডে অভ্যস্ত হয়ে ওঠার এখন চেষ্টা করে অগ্রাহ্য করতে । যেমন একবার ফুলমেসো বলেছিলেন, ‘গড়ের মাঠের কামানের নলের মধ্যে নেংটি ইঁদুর বাসা বানিয়েছে দেখলাম ।’ নেংটি ইঁদুরের শোভাযাত্রার বর্ণনা দিতে থাকেন । বর্ণনার ঝোঁকে তাল হারিয়ে ফেলেন, যা দেখতে পারতেন সেসবও বলে চলেন । গুদোম্নে, সরকারি অফিসে, সিঙ্গাপুর এয়ার-লাইন্সের হোর্ডিঙের মাথাতেও নাকি নেংটি ইঁদুর দেখেছেন । তারা কেটে ফেলেছে ধাতু, পলিথিন ও ফাইবার ।

এ এক মারাত্মক অত্যাচার, এক নিদর্শন পীড়ন । বিশেষ করে তাদের কাছে যারা বেঁচে আছে মৃত্যু ভুলে, যারা ভবিষ্যতের জন্য পরিকল্পনা করে, সন্তানকে ঘিরে স্বপ্ন দেখে । জানে একদিন মরবে কিন্তু তার আগে স্নেহ-মায়া-যত্নে কিছুর কাজ সেরে ফেলতে চায়, নিজেদের অবস্থার উন্নতি ঘটাতে চায় । সেই তাদের মধ্যে ফুলমেসো এক জাগ্রত মৃত্যুর মতো, চুড়ান্ত এক অবাস্তব । মৃগাঙ্ক-এষা কী করে সহ্য করে তাঁকে ! তাই শেষ পর্যন্ত তারা চলে গিয়েছিল নিজেদের পরিকল্পিত পথে । সামান্য চাকুরিজীবী মৃগাঙ্ক চেয়েছিল বাড়িটা বিক্রি করে দিয়ে ফ্ল্যাট কিনবে, বৃদ্ধ রাজি হয়নি । জীর্ণ বাড়িটি সারানো যেত, প্রমোটররা এগিয়ে এসেছিল, ফুলমেসো তাতেও রাজি নন, ‘ভাড়াটেরা যাবে কোথায় ?’

তুমি কি হাতা ?

না, তবে খুঁনিও নই ।

তিস্ততা বেড়েই চলেছে, এর মধ্যে নীলের সঙ্গে ফুলমেসোর গল্প, দাদু-নাতির জমাটি আড্ডা চলাকালীন একদিন এষা নীলকে জোর করে সরিয়ে দিয়ে নয়নবাবুর সঙ্গে নীলেরই ভবিষ্যত নিয়ে কথা বলতে আরম্ভ করে । সে ভেবেছিল, যদি নীলের কথা ভেবে বৃদ্ধ একটু নরম হন । নীল সফল হবে, জীবনে উন্নতি করবে একথা ভেবে হয়ত নয়নবাবু রাজি হয়ে যাবেন এ পাড়া ছেড়ে আরও ভদ্র এলাকায় চলে যেতে, বাড়িটা না হয় কম দামেই ভাড়াটে সমেত বেচে দেওয়া যাবে ।

এষার কথা শুনে কিছুক্ষণ ঠায় তাকিয়ে থেকে বললেন, ‘এ ভুল করো না ।’

ভুল !

হ্যাঁ ।

কীসের ভুল ?

দ্যাখো উন্নতি মানে তো বাড়ি-গাড়ি, বিদেশযাত্রা, ব্যাভিচার আর মদ্যপান ।

## মৃগাঙ্ক যা বদ্বোছিল

এবার মদুখে এই ঘটনা শুনে রাতে ঘুমোতে পারেনি মৃগাঙ্ক, এক প্যাকেট সিগারেট শেষ করেছে।

এখানে উল্লেখ করা দরকার এবার বিবরণ ভাষার দরুন একটু-আধটু বদলে গিয়েছিল, আবার সে মা বলে, নয়নবাবুর কথায় খুব আঘাত পেরেছিল সেই দুঃখ ও অভিমান বিবরণটিতে ঢুকে পড়ে। ফলে যা ঘটেছিল হুবহু সেই বিবরণ এবার কথায় ছিল না। এবার কথা এরকমভাবে ভেঙে ভেঙে যায় :

বাবা বলেছে নীল মাতাল হবে

বলেছে লম্পট হবে

ফুঁর্ত করবে

তেরো বছরের নীল

বাবা যে ১২।১৩ বছরের এক কিশোর সম্পর্কে, তার ভবিষ্যত সম্পর্কে এ কথা বলেনি, এষা তা বদ্বোতে পারছে না। মৃগাঙ্ক এবার ভুল ভেঙে দেওয়ার অনেক চেষ্টা করে শেষতক হাল ছেড়ে দেওয়ার ভঙ্গিতে বলেছিল ‘সব কিছু এমন পারসোনাল করে ফেল...’। সাফল্য, উন্নতি সমান সমান এইসব, বাবা এটাই বোঝাতে চেয়েছেন। বাবা যদি বলতেন, সাফল্য আর উন্নতি মানে হল ক্ষমতা, তাহলেও তো এষা বদ্বোতে পারত না। তবু ভাল বাবা লাম্পট ও মদ্যপান বলে ছেড়ে দিয়েছে। এষা চাকরি করা মহিলা, তার তো বদ্বোতে পারার কথা, অফিসে বস গোছের লোকও আছে, তবু সে গ্রাম্য মা থেকে গেল। সেই এক আদি বাঙালি মধ্যবিত্ত মা, ছেলের বিলেতযাত্রার স্বপ্ন দেখছে যে প্রায় দুশো বছর যাবৎ। মৃগাঙ্কও সংসার জীবনের এই লক্ষ্য, এই ধ্রুব সত্য সম্পর্কে কিছু কম সন্দিহান নয়। তার যেটা আশ্চর্য লাগছে নৈতিকতা নিয়ে বাবাকে খুব একটা পীড়িত হতে দেখেনি কখনও তাহলে ‘ব্যভিচার’ কথাটা এল কেন? এ কি বড়োমি, প্রেফ বড়ো হচ্ছে বলেই। বাকি কথাটা নিজেই জবরদাস্তি জিভের ডগায় চেপে বসে— বাবা বলতে চেয়েছিলেন সার্থকতার কথা— আশ্চর্য একবারও কেন সার্থকতা কথাটা বাবার মনে পড়ল না। মৃগাঙ্কের শৈশবে নয়ন ছিল আজকের মৃগাঙ্ক। আর একথা ভাবলেই বাবার ইমেজ তার চোখে কেমন বিবর্ণ হয়ে পড়ে, যতদিন তারও ব্যক্তিগত সীমাবদ্ধতা ছিল, মৃগাঙ্ককে বড় করার দায় ছিল, কই ততদিন তো বাবা এ নিয়ে বিশেষ মাতামাতি করেনি। বরং এক নির্দয়, অমোঘ সত্যের কাছ থেকে পালিয়ে বেড়াত, ঠিক এখন মৃগাঙ্ক যা করে চলেছে। এরকম লুকোচুরির দরুন মৃগাঙ্কের যে কোনও কুণ্ঠা আছে তা নয়। সে ভুলেও নিজেকে সামান্য জ্ঞান করেনি এ জন্য বরং সত্যের প্রাতি বাবার এই আসক্তিকে ভীমরূতি, বড়ো বয়সের একটা বাতক বলেই

মনে করে। ওই ফাঁসির মধ্যে জীবন বিসর্জনের কথা মৃগাঙ্ক কল্পনাও করতে পারে না। জীবনের সীমার বাইরে সে ভাবে না, বিশ্বাস করে না। তার বৃদ্ধ বাপের উচিত ছিল চাকরি ফুরিয়ে যাওয়ার পর খবরের কাগজে নিয়মিত চিঠি লেখা, বা খাস্তা কাগজের স্তূপ থেকে নিজেরই পুরনো লেখাগদুলো কপি করে পরিবার সম্পাদকদের পাঠানো, নজরুল-রবীন্দ্র জন্মোৎসব কমিটির সভাপতি হয়ে অবক্ষয়ের বিরুদ্ধে বক্তৃতা (জীবনের পূর্বগুলির জন্য সুন্দর সব ব্যবস্থা রয়েছে) করা। তিনি এসব (পাতি) কাজে নিজেকে জড়াননি। অবসরপ্রাপ্ত, পেনশনভোগী এক বৃদ্ধকে জন্মাতে দেননি নিজের মধ্যে।

মুখে কখনও বলেননি, ইঙ্গিতইশারায়ও জানতে দেননি এক গুট পরিবর্তনের কথা। ব্যাপক কোলাহলের মধ্যে যা ছিল একটি রশ্মি, এক স্থায়ী সুর। এই সুর, এই রশ্মি আশ্র-আবিস্কার। দূর্ঘটনায় যেন স্মৃতিভ্রষ্ট হয়েছিলেন। নার্সের, ডাক্তারের সাদা ইউনিফর্মের দিকে শূন্য দৃষ্টিতে তাকিয়ে থেকেছেন একঘণ্টা :

মনে পড়ছে ?

না।

কিছু মনে পড়ছে না ?

কিছু না।

বিস্মৃতির, অসুখের অভিজ্ঞতার কথা মৃগাঙ্ককে পরে নিজেই বলেছিলেন। আর এই কথাটা বলবার জন্য এক ভিন্ন পরিবেশ, মৃগাঙ্কের সঙ্গে নতুন এক ধরনের সম্পর্কের প্রয়োজন ছিল। একদিন সেই পরিবেশ গড়ে উঠবে, দূর্জন পুরুষ পারিবারিকতার বাইরে পরস্পরকে চিনতে পারবে—এ ব্যাপারে নয়নবাবুর কোনও সংশয় ছিল না। বা, তিনি সেই ভবিষ্যৎ দেখে ফেলেছিলেন বলে দৃঢ়চিত্তে অপেক্ষা করতে পেরেছিলেন : জানতাম বাপছেলের ঝামেলা থেকে মুক্ত হয়ে তোর সঙ্গে জমিয়ে কথা হবে একদিন।

সময়জট খুলে গেল, একদিন মৃগাঙ্ক দেখেছিল দঃস্বপ্ন থেকে উদ্ধারের স্মৃতি জেগে ওঠায় বাবা আশ্চর্য মূগ্ধ হয়ে আছে, তার পাশমুখ আলোকিত বলে কেমন রহস্যময় লাগছিল। শিরার বাঁধন ছিঁড়ে যেন জেগে উঠছে আত্মা। মৃগাঙ্ক রহস্যবিলাসী নয়, শরীরমানে পূর্ণ মানদ্বয়ের বাইরে কোনওরকম আত্মাটানায় সে বিশ্বাস করে না। এ হেন মৃগাঙ্কের কাছে দূরপাল্লার ট্রেনের এক সহযাত্রীর মতো যেন শূন্য কালক্ষয় করতেই নয়নবাবু এক আজগুবি গল্প ফেঁদে বসেছিল (মৃগাঙ্ক ভেবেছে)। তবে তার কখনভঙ্গির দরুন, চাপা গাম্ভীর্যপূর্ণ কণ্ঠস্বর ও মুখের উপর হালকা মেয়ের পরতের মতো ভেসে ওঠা ভাবানুভূতির জন্য খুব সিরিয়াস লাগছিল। গোপনীয়তার, গুহ্যকথার এক পরিবেশ গড়ে উঠেছিল।

তাতেই বা কী ! জিনিসটা ধোপে টিকছিল না, অন্তঃসারহীন, জলো কথা মনে হচ্ছিল। বাজে কথার বাহুল্য, অবিশ্বাস্য মনে হচ্ছিল।

আমি হিন্দুটিন্দু নই।

তো ?

জন্মজন্মান্তরে বিশ্বাস করি না।

( ধর্ম সংস্কার মানিনা বলে, ভগবান কিংবা ভূত মানিনা বলে তারপর দিব্যদৃষ্টি লাভের গল্প, ভূত যে সত্যিই আছে তারই অনুপস্থিতি বিবরণ দেবার লোভ মৃগাঙ্ক এর আগে অনেকের মধ্যে দেখেছে, তাই সে সতর্ক ছিল। )

তবু দেখলে...

না, কিছু দেখিনি।

তাহলে কী !

সেদিন এর বেশি কথা এগোয়নি, আবার সেই সাদা দেয়াল, সেই আকস্মিক নীরবতা। হঠাৎ-ই স্তব্ধ হয়ে যান নয়নবাবু। এবং এজন্যে তাঁকে কোনও চেষ্টা করতে হয়নি, 'কী' এই প্রশ্নটিই মারগাস্ট্রের কাজ করেছিল কি-না মৃগাঙ্ক জানে না, তবে ওই বোকা বোকা গোপনীয়তা, অর্থহীন রহস্য শেষ হল জেনে সে বেশ স্বস্তি পেয়েছিল।

আহ !

### ভাষাট্যা

আত্মবিস্মরণ ও আত্ম-আবিষ্কারের গল্পটি অকথিত থেকে গিয়েছে, নয়নবাবু এ প্রসঙ্গে ছেলের কাছে আর কোনওদিন একটিও কথা বলেনি। এই নির্বাকতা যদিও তার ভাষা কেড়ে নিতে পারে না, তার দৃষ্টি, কিছু সুক্ষ্ম আচরণ ও নানাবিধ মূদ্রার মধ্যে ধরা ছিল আত্ম-আবিষ্কারের এক অকথিত কাহিনী। এবং সেই কাহিনীটি একেবারে নিজস্ব ভাষা ছাড়া কিছুতেই বলা যাবে না আর সে ভাষা অন্যে বুঝবে এমন সম্ভাবনাও নেই। বা, সাধারণের বোধগম্য ভাষায় কাহিনীটি উপস্থাপনার সমস্যাই এখানে নয়নবাবুর গোপনীয়তার উৎস। যদিও মৃগাঙ্ক জানে বাবা এটাকে ভাষার সমস্যা হিসাবে দেখেনি।

মানুষ কি আবিষ্কার ছাড়া, সত্যসন্ধান ছাড়া, বাঁচতেই পারে না ?

আহার-নিদ্রা-মৈথুনের সমান্তরাল এই বাস্তবতা নয়নবাবুকে, মৃগাঙ্কের বাবাকে খাদের দিকে টেনে নিয়ে যায়।

পৃ : ২৮৩

ফ্রি স্কুল স্ট্রিটে শিক কাবাবের একটি দোকান ও তার পিছনের খালিকুঠি\* লাগোয়া এক

\* সেকেন্ড ইয়ারে পড়ার সময় মৃগাঙ্ক এই কুঠিতে দালালের সঙ্গে একবার গিয়েছিল। ৪০ টাকা খরচ করে একটি অ্যাংলো মেয়ের সঙ্গে শোয়, মেয়েটি তাকে বুক টানা মাত্র মৃগাঙ্কের হয়ে যায়। যাচ্ছেতাই অবস্থা, শরীর নোংরা করায় মেয়েটি মা-মাসি ভুলে গাল দিয়েছিল।

লম্বা ফালি ঠাসা ছিল পদ্রনো, দুষ্প্রাপ্য কেতাবে। পদ্রনো বইয়ের দোকানটি ঢালাত সুলেমান নামে লম্বাটে মূখের পেটানো জ্বরদন্ত চেহারার এক প্রবীণ, সাদা চাপ দাড়ি আর সাদা মেঘের টুকরোর মতো ভুরুই সুলেমানের মূখ। দোকানটির দু'দিকের দেয়ালে ইট সিমেন্ট ইত্যাদি নেই, অজস্র, অসংখ্য বই প্রসব করে দেয়াল অন্তর্হিত হয়েছে, মেঝে নেই—সেখানেও বইয়ের শুপ, শুপের ফাঁক আছে ৮/১০টি, একমাত্র সুলেমানই সেই ফাঁকগুলিতে নিভুল পা ফেলে ফেলে একটি শুপ থেকে অন্য শুপের কাছে, একটি তাক থেকে অন্য তাকের কাছে চলে যেতে পারে, টর্চের আলোয় খুঁজে নিতে পারে নির্দিষ্ট কোনও বই। এই অন্ধকারে, পদ্রনো, খাস্তা কাগজের গন্ধে, সংকীর্ণ পরিসরে জোনাকির মতো জ্বলত সুলেমানের চোখ, ক্রোতার চাহিদা মাফিক বইটি খোঁজার সময় সুলেমান কেমন ঘেন অশরীরী হয়ে উঠত, অদৃশ্য হয়ে যেত পুস্তকশূপে, টর্চের আলোই শূন্য বলে দিত 'এইখানে সুলেমান আছে, সুলেমান এইমাত্র ডানদিকে চলে গেল।'

মৃগাঙ্কের বাবা ১৯৭৮ সালে সুলেমানের কাছ থেকে 'শহিদনামা' কিনেছিল, সোনার জলে লেখা সেই কেতাবটিতে কোম্পানির আমলে যারী শহিদ হন তাঁদের সম্পর্কে বহু তথ্য ছিল। বাবা হঠাৎ কেন বিদ্রোহবিপ্লবে আগ্রহী হল মৃগাঙ্ক বোঝেনি, সে এটাকে খামখেয়ালিপনা বলে ধরে নিয়েছিল, ভেবেছিল ভীতু, গেরস্থ লোকেরা বীরত্বের গল্প ভালবাসে বলেই... 'ফাঁসির মণ্ডে' নামে একটি নভেল যে কারণে বছরে ২০ হাজার কপি বিক্রি হয়, বাংলা বইয়ের এরকম বিক্রি দেখে প্রকাশকরা পর্যন্ত তাজ্বব!

বই বেচাকেনার একটি রেখাচিত্র ছিল শূন্যে, মৃগাঙ্কের মনে আছে সেই শূন্যের দিকে কিছুক্ষণ ঠায় চেয়ে থেকে তার বাবা সাধারণের মনস্তত্ত্ব বোঝার চেষ্টা করছিলেন আর যেমন-যেমন বুঝাছিল সেইমতো দু-চারটে কথা বলছিলেন। মৃগাঙ্ক বাক্যের সেই টুকরোগুলো সাজিয়ে নিয়েছিল :

স্বপ্নে মৃত্যুটিত্বতে ভয় নেই, আমি তো কতবার স্বপ্নে মরছি, এমনকি তারপর বিশ্বাস করতে পারিনি শরীর আছে বলে, মনে হয়েছে 'এ তো আমি নই।' একবারও কি আঁতকে উঠেছি? কই, মনে পড়ছে না তো।

প্রহ্লাদের মতো, কৃষ্ণের মতো... পাহাড় থেকে ছুঁড়ে দিলে, আগুনের বন্যার মধ্যে ফেলে দিলেও বেঁচে উঠব। তবু একটা ভয় তো থাকেই অদ্ভুত এক শিহরণ। এই ভয়শিহরণ নেতির, কিছু নেই, সম্ভ্রানে একথা ভাবি কী করে।

শিহরণ কী করে শব্দ মলাটবন্দী হবে? কী করে একটি কেতাবের মধ্যে, অক্ষরমালায় গোঁথে নেওয়া যায়!! 'শহিদনামার মধ্যে বিশ্বের একটি পুণর্জি পুস্তক খোঁজার চেষ্টা করেছিল আমার বাবা', মৃগাঙ্কের ধারণা।

\* পুনশ্চ : মলাটবন্দী করার মধ্যে এক ধরনের নিরিয়ানসেন্স থাকে, সতিমিথ্যে নিয়ে মূগ্ধভাঁজা, অনুভূতি জিনিসটা তো ঠিক সেরকম নয়।

এশীয় এই ভূখণ্ডে, ভারত নামের দেশটিতে ফকির বিদ্রোহ, সিপাহি বিদ্রোহ, তেলঙ্গানা বিদ্রোহের শহিদরা আদর্শায়িত হয়েছেন, অগ্নান ও ক্রমোজ্জ্বল ভাবমূর্তি হয়ে উঠেছেন। তাঁরা, রক্তমাংসের মানুষ এইভাবে 'স্বাধীনতা', 'ন্যায়', 'মুক্তি' ইত্যাদি হয়েছেন।  
আদর্শের জন্য প্রাণ দান !

তুমি বিশ্বাস করো না ?

সেকথা নয় ।

তবে ?

বড় অবাক লাগে ।

এইভাবে দেহপ্রাণকে অস্ত্র করে তোলা, অর্ধ করে তোলার মধ্যে বাবা দুটি প্রক্রিয়া দেখেছিল বলে মৃগাঙ্ক মনে করে, মানুষ নিজের মধ্যে বৈপ্লবিক পরিবর্তন এনে ফেলেছে, সে আর তখন মানুষমাত্র থাকছে না, সহজিয়ারা যাকে বলে 'পুজোর ফুল' ( খুবই ক্রিশে কিন্তু বাবার ধারণা ক্রিশে হল এক রকম সত্যসঞ্জয়, যতই বোকাবোকা শোনাৎক সেটি সত্য ) হয়ে উঠছে তাই । এরপর আসছে নিবেদন, দান, বা ত্যাগের কথা ।

কোথাও হননের কথা নেই । আমাদের ইতিহাসে হত্যার কোনও রেকর্ড রাখা হয় না । এই যে নিশ্চিহ্নকরণ একে বলা যেতে পারে হত্যার হত্যা ; বা এমন খুন যেখানে শুধু লাশ নয় নিহতের গোটা ইতিহাসই লোপাট করে ফেলা হয়, যারপর সে যে কোনওদিন ছিল এইটেই প্রমাণ করা যাবে না । আর যে কোনওদিন ছিলই না সে খুন হয় কেমন করে, হাঃ !!

অথচ সে নির্যাতিত হয়েছে সর্বপ্রকারে

কঠিনতম শাস্তি পেয়েছে

ল্যাংটা করে চাবকানো হয়েছে ধর্মের নামে

এশিয়ার বনাঞ্জে, যুদ্ধে, তার রক্ত ঝরেছে

মাটি এখনও গরম, জ্বালাগায়-জ্বালাগায় লাল হয়ে আছে তবু শহিদনামায় তারা নেই ।

রাইটার্সে পারি ।

কেরানিরা !

নাক স্টেটকানোর কিছু নেই ।

তাই বলে ?

হ্যাঁ তারাই, কেমন ভয়ে গুলিটোয় থাকে দেখেছি।

এইসব পাগলামি । মৃগাঙ্ক জানে । তার বাবা ভারসাম্য হারাচ্ছে এবং সে নিজেও সচেতন এ ব্যাপারে, যদিও পাত্তা দিচ্ছে না, মনে করছে এই যে সারাজীবন ভারসাম্য বজায় রাখার চেষ্টায় কেবলই আত্মপীড়ন করলাম তাতে কী লাভ হল, কে বাঁচছে এতে । কেউ কি সত্য বাঁচছে ? নারীরা হ্যাঁ, তাঁরা সত্যকে বাঁচিয়ে রাখতে চান, নারীরাই সত্যকে বাঁচিয়ে রাখতে চান।  
বাবা যে ঠিক রাইটার্সের কেরানিদেরই মিন করছে এমন নয় । এখন কেউ যদি বিড়বিড়

করে চিন্তা করে এবং সেভাবেই মানুষের সঙ্গে কথা বলে চলে, চিন্তার সুবিধার জন্য ভাষা ভেঙেচুরে এগোতে চেষ্টা করে, শব্দের আভিধানিক অর্থ পৰ্যন্ত না মানে বা নতুন অর্থ আরোপের চেষ্টা করে, মৃগাঙ্ক বদ্ব্যভূতে পারে না কেন সে কথা বলে, কী দরকার।

---

লেখাটা আর এগোবে না ভেবেছিলাম, এইখানেই ‘শেষ’ বলছি না, ‘শেষ’ এই শব্দের মধ্যে পরিণতি, পূর্ণতার ইঙ্গিত থাকতে পারে। সম্ভাবনার কর্ণাড়া। দম ফুরিয়ে যাওয়া তো ঠিক তা নয়, নয়নের ভাষা স্তম্ভ হোক যদি ভাবি, তাহলে এই আঁচড়কাটা, এই পণ্ডপ্রমত্ত শেষ হোক— এই রকম আর-কি।

---

৪. ৭. ৮০.

মৃগাঙ্ক একদিন অফিস থেকে যাচ্ছেতাই রকম ব্যাজার হয়ে ফেরে (৪. ৭. ৮০) (— নিজেকে ছিবড়ে মনে হচ্ছিল, এটা অবশ্য নতুন কিছু নয়, প্রায়ই এরকম হয় এবং বেশিরভাগ দিনই মৃগাঙ্ক এই তিক্ততা পেটের মধ্যেই হজম করে ফেলতে পারে, তাঁর ধারণা এ জাতীয় পদার্থ হজমের বিশেষ ক্ষমতা আছে মানুষের হজমযন্ত্রের কিন্তু এক-আধদিন সে হেরে যায় পেটের ভেতর ক্ষয়ের ব্রূণ রাক্ষসের মতো অতিকার হয়ে ওঠে এইরকম দিনে মৃগাঙ্ক উৎসে ফিরে যেতে চায়, গর্ভবাসের স্মৃতি কেন থাকে না এই কথা ভেবে আরও মৃগাঙ্ক পড়ে।) বাবার বইয়ের তাক থেকে এ-বই সে-বই টেনে নামায়, কোনও বইয়ের পেছন পড়ে ফেলে, হাটকাতে-হাটকাতে বেলগাছার একটি লম্বুর বিল পেল মৃগাঙ্ক। তাং ৬/৯/৬৯, ২টি ফতুয়া, ১টি পাঞ্জাবি, ডেলিভারি ডেট ১৪/৯/৬৯, মোট ১ টাকা ২০ পয়সা। সে ভাবছিল বাবা কি লম্বু থেকে এগুলো আনায়নি, তাহলে তো গেল। ১০ বছরে হয়ত লম্বুর মালিকই টেঁসে গেছে, বা ওখানে হয়ত স্ন্যাকবার হয়েছে। এখন ওই ফতুয়া পাঞ্জাবির পচা সন্দেশ ফেরত পাওয়ার চেষ্টা করে দেখা যেতে পারে। সে ভাবছিল, বেড়ে অ্যাডভেঞ্চার হবে। আর ঠিক তখনই বিলের পিছনে বাবার হাতে লেখা বাক্যটি দেখতে পায় মৃগাঙ্ক। বাক্যটি কথা বলে ওঠে :

কেন নিজেকে ইম্পর্ট্যান্ট ভাবতেই হয়, খুঁজতে হয়, হাতড়াতে হয় এমন কিছু যাতে লোকে আমাকে পাত্তা দেয়!

‘পান্তা’ এই শব্দটি বেজে চলেছে, যেন ডোরবেল, সেইরকম ডিং ডং, ডিং ডং।

চায়ের গ্লাসে চামচের চুনঠান, টেবিলে তাল ঠোকা, ট্রামের ঘণ্টা, চটির ঘসটানি, শিস, ‘পান্তা’ হল কীভাবে, বাংলার তো বলার কথা ‘গদ্রদ্র’, ‘গদ্রদ্রপদ্র’, মৃগাঙ্ক শব্দটির

আওয়াজ ধরে রাখতে রাখতে ভাবে, গুরুদ্ব কি এতে হাস পেল, না কি সে দরবার ও বিশিষ্ট ব্যক্তিবর্গের জোশ্বার বাইরে এসে হাঁফ ছাড়ল, পার্বলিক হল, সবাই মেনে নিল, 'হ্যাঁ ভাই আমরা কিঞ্চিৎ গুরুদ্ব পিপাসু আছি' / 'ওই রিকগনাইজ করার ব্যাপারটা' / 'কালোয়ারও সাহিত্য সন্মার্টের আন্ডায় ঠাই চায় হে।'

ওই দিনই লন্ড্রির বিলটিকে পাসপোর্ট করে মৃগাঙ্ক পেটের ভেতরে ফেঁপে ওঠা বায়ু ও তিক্ততার ফাঁপা একটি নল থেকে ছাড়া পেয়ে খড়কুটো আঁকড়ে, কিছুটা বিস্মৃতির মধ্য দিয়ে এক সময় হালকা হওয়ার পর বইয়ের তাকটিতে আরও খোঁজাখুঁজি চালান। আর তখন তার মনোভাব শিশুর, যেন সত্যিই সে এক মজাদার অভিবান, চমৎকার গোয়েন্দা-গিরি চালাচ্ছে এবং তার বিশ্বাস এখনুনি আর একটা কোনও আশ্চর্য জিনিস, সবু প়েয়ে যাবে।

খোঁজ, খোঁজ, খোঁজ

সন্ধানবেগ যেমন বমন ও অন্যান্য বেগ

তামাকের একটা খালি প্যাকেট পেল সে, প্যাকেটটিতে নোঙর ছাপ রয়েছে, এই ছাপ একটি বিশেষ ব্র্যান্ডের, ক্যাপস্টান, নোঙর চিহ্নটি থেকে যেন সেই বিশেষ ব্র্যান্ডের তামাকের ধোঁয়া আসছিল। তাকটির এক কোণে রক্তের দাগ মৃগাঙ্কের নজর এড়াননি, তবে কি না দাগটা লাল রঙের, রক্তফন্ত না-ও হতে পারে। দু'চার দানা বালি লাগা গুলিটক্স বিন্দুক, ময়ূরপালক এবং জং-ধরা একটা ব্লেন্ডের পাশে কেতরে পড়েছিল 'শহিদনামা' যার কিছু পৃষ্ঠায় আলপনা আঁকা হয়েছে অজস্র সূক্ষ্ম ছিদ্রে, আঁকার ধরনে পারিসীমা রচনার চেষ্টা ধরা পড়ে। এসব উইপোকার কীর্তি। প্রত্নতাত্ত্বিক ব্যাপার-স্বাপার...গোয়েন্দা গপ্পো, উইপোকা... সময়সেনা...

এইরকম ভাবছিল, বলাছিল, শুনছিলও। কোনটা যে মৃগাঙ্কের বলা আর কোনটা তার বাবার সেন্সব এখন আলাদা করে ঠিকঠাক সংলাপের মতো সাজানো যাবে না। বোঝাই যাচ্ছে এক ধরনের ছেলেমানুষি থেকে তাকের পর তাক হাতড়াতে-হাতড়াতে মৃগাঙ্ক যখন তার ব্যাজার ভাবটি হারিয়ে ফেলেছিল, 'খোঁজা' নামের অর্থহীন অথচ আনন্দদায়ক একটা খেলায় মেতে কিছুটা আত্মভোলা হয়ে পড়ে সেইসময় কখন যে নয়নবাবু ঘরে ঢুকেছে মৃগাঙ্ক জানতেও পারেনি। বা মৃগাঙ্ক কার্যকারণ বন্ধুতে পারিছিল না, তাই অগ্রপঞ্চাৎ-ও ভুলেছিল আর আগে-পরে না থাকলে সময়ও থাকে না। সময় ছিল না। নয়নবাবু ঘরটিতে—এভাবে বলা যায়, মৃগাঙ্কও সেখানে, দু'জন মানুষ জাস্ট কথা বলছিল। হয়ত বিদ্রোহ ও প্রত্নতাত্ত্বিক কাজকর্মকে বোঝার চেষ্টা করছিল। এরকম মজা তারা খুব করত, বেশ একটা আজগুবি গড়ে ওঠে এতে। এখন চেষ্টা করা যেতে পারে '৭৯ সালের গ্রীষ্ম সন্ধ্যায় ফিরে যাওয়ার। সংলাপ কুড়িয়ে নিয়ে দু'জনের মধ্যে ঠিকঠাক বসালে কী রকম চিত্রনাট্য হয় দেখা যাক :

নয়ন ॥ চিরন্তন, শাস্বত... এসব কল্পনা।

মৃগাঙ্ক ॥ এইমাত্র তাকে নারী বলেছ।

নয়ন ॥ বলোছি কি রে! তার সঙ্গে ঘর করেছি, শূন্যেছি!

মৃগাঙ্ক ॥ ভ্রমূতের সন্তান, হাঃ।

নয়ন ॥ তাই প্রজতত্ত্ব বাজে, শহিদ-ফহিদও...

মৃগাঙ্ক ॥ চিরন্তন!

নয়ন ॥ সমুদ্রগর্জন।

মৃগাঙ্ক ॥ একটা কথা মনে পড়ছে।

নয়ন ॥ বলে ফেল, আড় কীসের, ধ্যাত, দে, আরেকটু ঢাল।

মৃগাঙ্ক ॥ ব্যাড পোয়েট্রি।

নয়ন ॥ বাট গুড পর্নোগ্রাফি।

পোয়েট্রি আর পর্নোগ্রাফির মধ্যে কয়েক পাত্তর মদ চলকে পড়ায় সব জেবরে যায়, মৃগাঙ্ক ক্যাপস্টান সিম্বল নোঙরের কথা তুলেছিল, নয়নবাবু খ্যাক-খ্যাক করে হেসে ওঠেন, 'ওটা ইতিহাস।'

'তাহলে সমুদ্র নিয়ে লড়া যাক' মৃগাঙ্ক বলে, 'বিশেষ যখন নোঙর পেয়েছি'—  
নয়নবাবু।

নোঙর

সমুদ্র

ইতিহাস

পোয়েট্রি

পর্নোগ্রাফি

পর্নোগ্রাফি পোয়েট্রি ইতিহাস—নোঙর

'মেড়া নড়ে খুঁটির জোরে।'

কে বলেছিল? মৃগাঙ্ক? নাকি নয়ন?

### অক্ষরগ্রাস

পিঁপড়ে অক্ষর আমাদের খেয়ে শেষ করেছে, কেতাব শূন্যে নিয়েছে আমাদের মেধা। একটা নতুন শব্দ পর্যন্ত আর কেউ কোনওদিন লিখতে পারবে না, সবকিছু সম্ভব, চামড়ার কাগজ থেকে টিস্যু পেপার পর্যন্ত এক সীমাহীন সাদা জমিতে সমস্তই লিখে ফেলা হয়েছে। এইসব লেখা থেকে ঘাতকরা ছুটে আসছে, বিচিন্ন কোলাহলে। নয়ন মনে মনে কথা বলেন, 'আর আমরা রয়ে গেছি ওই সব বইয়ের টাঁকা হিসেবে, ধ্যাত...'।

উর্দু ভাষায় লেখা একটি ধর্মীয় পুস্তককে রোজ সকালে মাথায় ঠেকাত লখনউয়ের রাজার্মান্দ্র, সে কিন্তু পড়তে জানত না, লিখতেও না। মৃন্ময়ীর সঙ্গে রাজার্মান্দ্রর মিল

এই পর্যন্ত যে, সেও বেশ শ্রদ্ধাটম্বা করে তাক থেকে গাদা গাদা বই নামিয়ে নিজের কোলটিতে রাখত, নয়নবাবু দেখেছেন মৃন্ময়ী শাড়ির আঁচল দিয়ে বইয়ের কোণ, মেরুদণ্ড, মলাট পরিষ্কার করছে, তার মূখে তখন এক অলৌকিক প্রশান্তি। যেন সে এখন বিশুদ্ধ একা এবং তার হাতে রয়েছে পৃথিবীর অন্তর্বস্তুসমূহ।

---

ঘটনার বিবরণ সত্যের বিচারে বিভ্রান্তিকর হতে বাধ্য, গল্পের মতোই তা হাজার রকমভাবে বলা যায়। সত্য সেখানে ধ্রুব নয়। এই ধরনের বিবরণমূলক সমস্ত রচনাই ভ্রমণকাহিনী গোত্রের, টানটান করে লিখলে গোয়েন্দাকাহিনী। সেখানে সব থেকে গুরুত্বপূর্ণ হল পাঠ, পড়া। পঠিত হবে, লোকজন পড়বে, পড়তে-পড়তে বইটিকে, রচনাটিকে নিজেরা সৃষ্টি করবে, এ কথা আগাম ভাবলে একটি বর্ণও লেখা সম্ভব নয়।

তুচ্ছ একটি শব্দ, দমকা বাতাস, রঙের কোনও মিশ্রণ, অর্থহীন মন্তব্য, জ্বর.....জীবনানন্দের একটি পংক্তির থেকে মহত্তর কোনও বাস্তব আমার কল্পনাতীত।

কিন্তু এই গদ্য রচনাটি সারল্যকে মেরুদণ্ড করতে পারছে না, দালির ছবির মতো খুলির ভিতরে খুলি আবিস্কারের এক দৃঢ়মনীয় প্রমত্ততায় সে আমাকে, লেখককে সম্মোহিত করে কেবলই সাহিত্য হয়ে উঠতে চায়। আমি তো জানি বড়ো নয়নের গপ্পোটি এক লাইনের : মৃগাঙ্ক-এষা নীল চলে যাবে, নয়নের বাড়ি তখন খা-খা শূন্য, নিজেকে নিয়ে তার বিচিত্র বামনাইপনা তখন কে দেখবে, কেইবা শুনবে ! খেলা ভেঙে যাবে।

তখন শেষ হবে এই অসম্পূর্ণ পুস্তক রচনা আর এক অন্ধভ্রমণ, হ্রুটির কারু কাজ।

নিজের ছায়ার কাছে উৎসর্গিত বলেই হয়ত টের পাচ্ছি এই রচনা-টিরও ছায়া, সেই ছায়া ভিন্ন এক রচনা, আর একটি গ্রন্থ।

---

মৃন্ময়ী এবং সেই রাজমিস্ত্রি (যে ছাপা অক্ষরকে আলতোভাবে চুমো খেত) যেন একই ব্যক্তি। রাজমিস্ত্রি বলেছিল ‘আল্লার বাণী ফুটে উঠেছে এই বইটিতে।’

‘অন্ধকারে কেটে গেল এই জীবন’ মৃন্ময়ী বিড়বিড় করেছিল ‘অন্ধকার জেলখানার অজস্র বছর...’

‘আমার চুল সাদা হল...’

‘চামড়ায় দাগ পড়ল’

এবং আরও কত স্বগতোক্তি ! কিন্তু সে কখনও বলেনি এইসব দাগে তার চামড়ায় ফুটে উঠছে অক্ষর, কোনও বাণী খোদাই হয়ে যাচ্ছে ; ‘আল্লা’ শব্দটি ফিকে নীল রঙে উল্কির দাগে গড়ে উঠেছিল অন্যত্র, রাজমিস্ত্রির হাতে, সে বলেছিল, ব্যাটারি চার্জের শব্দে, আস্থানে আমার এই হাতে বিন্দু বিন্দু রক্ত ফুটে উঠেছিল ।

মুন্সিয়ী অশিক্ষিত কিন্তু নিরক্ষর নয়, হারানো সামগ্রী অব্বেষণ করত প্রব্রতীভূতের নিষ্ঠায় । সোনার চিরুনি খুঁজে খুঁজে একবার সে প্রায় পাগল হওয়ার উপক্রম, মুন্সিয়ীকে কিছুতেই বোঝানো যায়নি ষোড়শ শতকের ওই ধরনের কোনও জিনিস নয়নবাবুদের বাড়িতে কোনও দিনই ছিল না । নয়নবাবুর বাবার আমলেই তাদের অবস্থা একটু ফিরেছিল, তার আগের তিন-চার পুরুষের ইতিহাস হল হাড়-হাভাতের গল্প । আসলে নানান অদ্ভুত ধ্যান-ধারণা-কল্পনার জগতে বিচরণ করত মুন্সিয়ী, এ একটি ব্যাধি, বাস্তবকে সে এমন রঙে চুবিয়ে নিয়েছিল যে সামান্য একটি হাতের দাঁতের চিরুনিকে সোনার ভেবে তুলকালাম করেছিল । মজা হল মুন্সিয়ীই সঠিক ছিল । বিভিন্ন বস্তুর বিবর্তনের কথা ভাবলে তাই মনে হয়, সত্যিই তো এই সবে কতটুকুই বা আদিতে ছিল, বা এ সবই কি চিন্তা-কল্পনার, ফাঁপা এক পরিমণ্ডল থেকে, শূন্য থেকে নেমে আসেনি ? খুনির মৃত্যুর বর্ণনা শুনেন-শুনেন লালবাজারের শিল্পী সাদা ক্যানভাসের ভিতর থেকে জাগিয়ে তোলে একটি মুখ ( ফটোগ্রাফ নয় ) সেই মুখছবি কণ্ঠার হাড়ের বেদীর উপর বসিয়ে মেট্রো ধরতে গিয়ে, বিমান বন্দরে রিপোর্টিং করতে গিয়ে, পিটার ক্যাট বারে হুইস্কির গ্লাস টানতে গিয়ে, বা দশটা-পাঁচটার অফিস ঘাটীর মাংসপ্রোতে ভাসতে-ভাসতে নৃশংস খুনি তো কতবার ধরা পড়ল !

নয়নবাবু এই গল্পটি বলে মুন্সিয়ীকে ভয় পাইয়ে দিতে চেষ্টা করেছিল, ‘ঠিক তোমার মতো চাপা নাক আর ভিটকপালি একটা মেয়ের ছবি হাতে গোয়েন্দারা ঘুরছে, তোমাকে খুঁজছে ।’

মুন্সিয়ী হেসেই খুন, ‘আমি ! আরশোলা দেখলে ভয় পাই ।’

কোনও দিন খুন করোনি !

ধ্যাত ।

সত্যি !!

যেন এর থেকে অসম্ভব কিছু হয় না । ঠিক যেমন এখন নয়নবাবু কল্পনাও করতে পারে না : মুন্সিয়ীর সঙ্গে এরকম ছেলেমানুষিও হয়েছে !

### পাঠোৎসব

‘এমন গল্পো, এমন লেখা, বেশ ফিরে ফিরে পড়া যাবে, চেষ্টে-চেষ্টে পড়া যাবে, হই হই করে পড়া যাবে, যে কোনও পৃষ্ঠা, যে কোনও লাইন থেকে পড়া যাবে, পড়াটা ছবি দেখা, মজা দেখার মতো, গোত্রাসে গেলা গল্পের মতো কামোত্তেজক হলুদ মলাটের চটি বইয়ের মতো হবে, এমন হবে যেন পড়ছি না তবু পড়াটা হয়ে যাচ্ছে শরীর হৃথের মতো হবে...’

কাকি হাউসের আড্ডার কার গলার শিরা ডেলা পাকিয়ে যাচ্ছিল এই সব শব্দে ?

পারিবারিক অ্যালবামে শিশু-যুবক-যুবতী, কিশোর-কিশোরী, বৃন্দ-বৃন্দারা এলোমেলো অথচ ঠাসবন্দনট হয়েছিল, যেন ছবির ফ্রেমটির মধ্যে যাতে তারা যাট-সত্তর জন এঁটে যায় সে জন্য যথেষ্ট কসরত করতে হয়েছিল ! এই ছবিটির মানুুষজনের হাতেও অজস্র ফটোগ্রাফ এসেছিল নিশ্চয়ই, সেইসব ছবির মানুুষ অন্য কোনও সূত্রে, ভিন্ন ভিন্ন পারিবারিক গ্রুপ ছবিতে, অফিসে, ক্লাবে, স্কুল-কলেজের পুনর্মিলন উৎসবের ছবিতে শস্য বিন্দুর মতো রয়ে গেছে । নয়নবাবু ছবির মানুুষজনের মধ্যে, শস্যবিন্দুর মধ্যে মৃন্ময়ীর মূখ সহজেই পেয়ে গেলেন । ছবির এই জাদুঘরে মৃত, অবলুপ্ত, হারিয়ে যাওয়া মানুুষের মৃদু থরে থরে সাজিয়ে রাখা হয়েছে । তাদের যেন-বা শিকার করা হয়েছিল ।

বিশাল মোটা অ্যালবামটির আরও মোটা, শক্ত পাল্লা দুটি খুলে নয়নবাবু কতবার নীলকে ডেকেছেন, ‘দেখবি আয়, নীল ।’

ছবির অজস্র মূখের অনেককে নয়নবাবু নিজেও চেনেন না, ‘কে যেন দাঁড়া ।’ অনেক ভেবেও এক কিশোরীর নাম ও তার সঙ্গে নয়নবাবুর কী সম্পর্ক ছিল মনে করতে পারেননি ! হয়ত ওই কিশোরী মৃন্ময়ী, তিনি একবার বিড়বিড় করেছিলেন, ‘তোরা দিদা নয় তো ! মৃন্ময়ী ! না, মনে পড়ছে না ।’

লাজুক, স্পর্শাতুর এক রূপকথা বহন করত মৃন্ময়ী, বড় অসুখী ছিল সে, রূপকথার প্রেম তার জীবনে কোনও দিন ডানা মেলেনি ।

শিল্পপ্রতিমার থেকেও গভীর এক প্রেমের গল্প বলত মৃন্ময়ী ।

মৃন্ময়ীর কাছে সেই প্রৌক্ষিকদুর্গল ছিল রাধাকৃষ্ণের মতো-।

আদি মানবমানবী ।

মৃন্ময়ী তাদের কথা বলত ।

তার গায়ে কাঁটা দিত ।

জ্বর এসে যেত ।

মৃন্ময়ী বলেছিল :

ওদের নাম উচ্চারণ করা মাত্র মার মুখে আশ্চর্য আলো এসে পড়ত, আমি দেখেছি।

হয়ত এই গল্পে এক দানা বাস্তব নেই। মৃদু-ফেরত এই গল্পে মৃন্ময়ীর কাছে এসেছিল। হাজার-হাজার বছর কাহিনীকে জীর্ণ করতে পারেনি, মৃন্ময়ীর মতোই কেউ হয়ত এই মৃদুহৃদে কাহিনীটিতে ঢেলে দিচ্ছে নিজেদের বুদ্ধির উষ্ণতা আর সেই জীবনদানে কাহিনীটির যৌবনে কোনোদিন ভাটার টান লাগবে না।

এতদিনে কাহিনীটি গ্রন্থে স্থান পেয়েছে নির্ধাৎ। আর গ্রন্থভুক্ত হওয়ায় তার শ্রোতার (বা পাঠকের) সংখ্যাও বেড়ে চলেছে হু হু করে। গ্রন্থে আলো আছে। নিউজপ্যান্টের ম্যাডম্যাডে রঙের ভিতর থেকে সেই আলোর ছক সহজে দেখা যায় না। গাঢ় এক হৈয়ালি, এরকম এক সূত্রের সামনে কবে যেন মৃদু থুঁতুড়ে পড়েছিলেন নয়নবাবু। প্রাচীন ভাষায় সূত্রটি আঁকা ছিল। আর সেখান থেকে ঘর্ষের শব্দে প্রচারিত হচ্ছিল একটি নির্দেশ, 'এখানে নয়, এখানে নয়...'

এই মিস্টারিসজ্জম শৈশব ; রহস্য ও মৃদুতা।

তখন তার দেহ নমনীয়, ভঙ্গুর, জীবনের দ্যোতক।

মৃদু শৈশব তার নমনীয়, ভঙ্গুর দেহ, সোনারলি বিন্দু বিন্দু রোঁয়া জাগা হাত পা-সম্মত এইখানে হাঁটুমুড়ে বসে আছে। নীল নয়, বিশেষ কেউ নয়, বিমূর্ত শৈশব এক। নয়নবাবু এষা, মৃগাঙ্কের পরিচিত গন্ডী ভেঙে সে চলে গেছে অনেক দূর মানব শৈশবে।

মানব যখন শিশু ছিল। জ্ঞানের অভাব যখন তার অনুভবকে গ্রাসে বিস্ময়ে দোলাত। মাতৃগর্ভের দুলুনি, সেই হৃদস্পন্দন। সে ধীরে পাপাড়ের পর পাপাড় মেলে, অজস্র স্তর পেরিয়ে জাগতে থাকত কিন্তু কখনওই খাড়া সটান উঠে দাঁড়াতে, সম্পূর্ণ জাগতে পারত না। তার আগেই অমোঘ নেশায়, ঘুমের ঢেলে পড়ত। ভাড়াটেদের পল্টুর মতো, হয়ত,

হয়ত বা পৃথিবীর জন্মের মতো কোনও ঘটনার কথা স্বপ্নে ভেবেছে সে। তখন তার যে আত্মচেতনা হয়ত সেখানে গ্রহ-নক্ষত্রাদির ছায়া পড়েছে। পলকপাতে ঘটে গেছে এই সব।

শুধু ভুগতে ?

শুধু ভুগতাম।

ইস। রোগা ছিলে খুব ?

কাঠির মতো।

রেখার মতো ? প্রায় মরে যেতে ?

কতবার মরতে-মরতে বেঁচেছি।

কষ্ট হতো ?

খুব। আবার কেমন একটা টান ছিল, জানতাম যেন মরব না, মৃত্যুর খুব কাছ থেকে বরফ ছুঁয়ে ফিরে আসব।

কবে নীলকে এই সব গল্প বলেছিলেন স্মরণ (হা স্মরণ!) নেই, কত চট করে সব কিছুর গল্প হয়ে যায়!!

এরকমই গল্প হয়ে যাওয়া একটি দৃশ্য, ঘটনা গ্রাম বাংলার ন্যাড়ামাঠে পড়েছিল। হাজার চেষ্টা করেও নয়নবাবু গল্পের হাত থেকে তাকে বাঁচাতে পারেনি, নয়নবাবুর মা-ই মৃগাঙ্ককে ঘুম পাড়াতে-পাড়াতে বলেছিলেন, 'তখন তোর বাবা তোর থেকে একটু বড়, এই আট-ন বছর হবে।'

১৯৩০ সালের ঘটনা। গরমের ছুটিতে বাবার সঙ্গে বলাগড় গিয়েছিলেন নয়নবাবু। সেখানে হই হই করে দিন কাটিছিল আমবাগানে। ১৬ দিনের মাথায়, রাতে নয়নবাবুর চুলে হাত বোলাতে-বোলাতে মা বলেছিলেন, 'কাল তুই আমি বেড়াভাঙা মাঠে যাব কেমন।'

বেড়াভাঙা কী মা?

মাঠ।

না, বেড়াভাঙা কেন?

নামটা? কোনও শেষ নেই বলে।

তাহলে ফিরব কী করে!

ফিরব না।

কেন?

কী হবে ফিরে? কী আছে এখানে?

নয়নবাবুর মা যেন অনন্ত পর্বটক, অনেক দেখেছেন তিনি কিন্তু বেড়াভাঙা মাঠের কাছে কোনও কিছুরই কিছুর নয়, আতঙ্কে ঘূর্ণিয়ে পড়ার সময় ন-বছরের বালকের কানে সরু শব্দ বেজে চলেছিল: কী আছে এখানে...কী আছে এখানে...

ফসল কাটা, দলিত দিগন্ত বিস্তৃত মাঠ শূন্যে আছে শিথিলভাবে, কাটা শস্যের গোড়ায় ঝকঝক করছে জলের দানা, হিম।

হুঁ / হ্যাঁ / কী সুন্দর / ওই দিকে / দ্যাখ-দ্যাখ / অত জোরে ছুটিস না / শোন / থাম / নয়ন / নয়ন।

এ ছাড়া ভূপৃষ্ঠে আর কোনও শব্দ নেই। সামান্য দূরে, বাঁ-দিকে খাদের মতো, সেখানে কলকল শব্দ হচ্ছে। দূরে কৃষকমূর্তি, লাঙল দিচ্ছে। লাঙলের ফলা মাটি আলগা করে একটি সরলরেখা এঁকে চলেছে, ওই রেখাটি পর্যন্ত মা আর ছেলে হেঁটে যাবে। রেখাটিও যেন খুব ধীরে ধীরে এগিয়ে আসছিল নয়ন আর তার মায়ের দিকে। আকাশ আর ভূপৃষ্ঠের ব্যবধান ঘুচে গেছে ওই রেখা বরাবর। অন্ধকার নামবে কিছুর পরেই। সারাদিন কী করে যে মাঠ ভিজে থাকল সেইটি রহস্য। মা বলেছিল, অন্ধকার গাঢ় হলে, রাতের

শাসন নেমে এলে, আকাশ আরও জাগবে। অনন্ত নক্ষত্ররাজি এই শূন্যে পৃথিবীতে তখন পরীর মতো উড়ে উড়ে নেমে আসবে। কেবল নামতেই থাকবে।

আমাদের ঠিকানা।

একটাই ?

হ্যাঁ, একটাই।

এই পৃথিবী।

পৃথিবী। এই...।

তবু কেন প্রাণ ঢেলে ভালবাসে না লোকে।

কত কাজ থাকে না লোকের।

কী এত কাজ !

কাজ মানে কাজ, কাজের কাজ

ধ্যার বাবা !

হ্যাঁ রে, সত্যি ! কী এত কাজ রে !!

তুমি জানো না ?

না, জানিনা।

মাঠের ঠিক মাঝখানটিতে ছিল তারা। সূর্য তখন রঙের শোভাঘাটা-সহ মহাপ্রমাণে চলেছে, প্রান্তর, সবুজ ও আকাশ উদ্ভাসিত, প্রসারিত ; সেই উদ্ভাসন ও প্রসার সম্ভাবনার একটি ঝিলিক মাত্র, বিপুল ও শেষহীন এক বিস্তার ও উদ্ভাসনের ইঙ্গিত।

বিশ্ব। সে দেখে ফেলেছিল। বালক নয়নকে তার মা দেখিয়েছিলেন। মাকে আজ শিল্পী মনে হয় নয়নবাবুদর। এবং তিনি ভাবেন আকাশ আর ন্যাড়া মাঠ ছিল প্রকৃত অর্থে সম্পূর্ণ একটি বইয়ের দুটি পৃষ্ঠা, দিগন্তরেখা তাদের ভাঁজ, মেরুদণ্ড।

এই ঘটনাটির কথা নয়নবাবু মৃন্ময়ীকে বলেননি, এমাকেও নয় বসুধা তার মা-ই ডেকে ডেকে ফিসফিস করে বলেছিল, কী ভাবে বলেছিল ? সেইটি বিস্ময়। কেননা বলবার মতো, কাউকে জানানো সম্ভব বেড়া ভাঙার মাঠে এমন কিছুই ছিল না, সেখানে ‘না’ এই একাক্ষর শব্দটি লেখা ছিল, পূর্ণ হয়ে ছিল।

আমি শূন্য দেখেছি, শূন্যকে বিকশিত হতে দেখেছি, চারদিক ভাসিয়েও শূন্য অন্তহীন হয়ে আছে দেখেছি— একথা কি বলা যায়।

রামকৃষ্ণের বাল্যে নাকি এরকম কিছু একটা ঘটেছিল, বালক নয়নেরও ঘটেছে, আরও কেউ, অন্যান্য বালকদেরও ঘটবে... [ হাসাহাসি করছে সকলে, এখন বস্তু-জগতের মাংসপিণ্ড থেকে আরাম চুষে নেওয়ার, সূখ ঘাটাঘাটির শরীরী ক্ষমতা হারিয়ে বড়ো বয়সে নয়ন আমাদের যোগী হচ্ছে। ] এখন তার অনেক কিছুই অর্থহীন মনে হয়, খাচা মনে হয়, অভ্যাসের দাসত্ব বলে অনুভব করে আর তখন তখন ন্যাড়া মাঠ ছুটে আসে সমস্ত আকার ভাঙতে ভাঙতে।

## যুক্তি তক্কো আর গপ্পো

একটি গল্প তার ঘাড় কামড়ে ধরেছে।

গল্পটির চরিত্ররা শব্দ ও শব্দাঘাতের রক্তমাংসে গড়া, এইমাত্র তারা হাঁটতে-হাঁটতে-হাঁটতে চলে গেল :

বস্তারের জঙ্গল ভেঙে চলেছে এক আদিবাসী বাপ। তার পিছনে খোঁড়াতে খোঁড়াতে চলেছে সাত-আট বছরের ছেলেটা। জঙ্গলে প্রাতিধ্বনি তুলছে তাদের শ্বাস। হন্, হন্ শব্দ।

সেই বাপবেটা চোখের মণি (নয়নবাবু) দখল করে নিয়েছে। এই জঙ্গল গতীর। এখানে বাপবেটা হেঁটে চলেছে এক গুট উদ্দেশ্য নিয়ে। সরে যাচ্ছে দূরে। সবুজ তাদের গ্রাস করছে। তখন তারা নেই। মশালের দাউ দাউ নেই। দুটি আলোক বিন্দু শূন্য।

আবার চড়াই ভেঙে জেগে ওঠে দুটি মানব দেহ। পরিণত ও অপরিণত দুটি মানবদেহ।

এখন তারা প্রকৃতিই চোখের সামনে, ঘামছে দরদর করে, শ্বাস করছে যেন। এর শেষটুকু (গল্পের, ঘটনার শেষ থাকা বাধ্যতামূলক।) জানে নীল, জানেন নয়নবাবু। তবু তারা অজস্রবার এই গল্পটি পরপর সাজিয়েছে, শেষ থেকে শুরুর করেছেন।

এখন ভাঙা মন্দিরটি দেখা যাচ্ছে। আবার শুরুর হয়ে যায় বাপবেটার ওই মন্দিরযাত্রা। বারবার ঘটতে থাকে একটিই ঘটনা। অশ্রুর বলসানি। বাপের গালে, চোখে ছিটকে লাগে ছেলের গরম রক্ত, কালো রুদ্ধ, বসন্ত চামড়ার লাল রক্তের কোপ।

ওখানে একফোটা জল নেই।

বৃষ্টির উপাসনা, একে খুন ভাবা ঠিক নয়।

কঠোর আত্মত্যাগ।

মানবিকতার বিলাস এই জঙ্গল পেরোতে পারেনি।

গপ্পো শেষ। এবার যুক্তি তক্কো। এই আত্মদান বা হত্যার কিনারা করবে কে? শহিদনামায় এই ঘটনাটির উল্লেখ পর্যন্ত নেই। আর গল্পটি নিজে এসবের তোয়াক্কাই করে না, তার ভাষায়, তার ভুবনে এসব নেই। গল্পের ভুবনটি আজব, নাকি যুক্তি তক্কোই আজব!

বস্তারের জঙ্গলপথ চলে গেছে সীতার বনবাস পেরিয়ে পুরাণ পেরিয়ে...

পৃথিবীর পিঠের খাদ কিংবা হিমবাহে গিয়ে থেমে যার্মান চলেছে তো চলেছেই, সামনে পিছনে দূরত্বের কোনও সীমা নেই বলে তাকে দূরত্ব বলা ঠিক হবে না। ডানা ভাঙা এরোপ্লেন, রকেটের টুকরো, লোহার মস্ত চাঁই, সুবিশাল রাডার কাদায় মৃদু থুড়ে পড়ে আছে। সামরিক উর্দির ছেঁড়া টুকরো, শিশুর খেলনা আর মানুষের, কুকুরের, পাখির

পচা মাংস...

মৃগাশ্ব নীলকে উৎসাহিত করছে ভবিষ্যতের জন্য, বলছে দেশ বিদেশের মনীবীর কথা, 'কেতাব পড় নীল' / 'জানো' / 'বোঝো' / 'একদিন তোর শ্রম, তোর মেধার বিশ্ব হাঁ হলে যাবে।'।

সাফল্য ! সাফল্য !!

নয়নবাবুর উপর এখন কোনও চাপ নেই আর, অনেকদিনই নেই, তাঁর আর কোনও আশা নেই। তিনি আর কিছু হতে পারবেন না (নীল বলে, 'আমিও হতে চাই না'। আশ্চর্য ! যেন জন্মাতোই চার্নিন !), যখন পল্টুর সঙ্গে গপ্পো করেন, রোদে পড়ে থাকেন বস্তুর মতো, সে যেন নিজেকে ছেড়ে দেওয়া পল্টুর কাছে, রোদের কাছে, পল্টু তাঁর গালে ওইভাবে কিছু লিখতে চায়। ঠিক যেমন 'শহিদনামা' বইটির মার্জিনে ক্ষুদ্র ক্ষুদ্র অক্ষরের পিন ফুটিয়ে ছাইভস্ম লিখে রেখেছেন নয়নবাবু।

স্বনামে কেতাব লেখার কী দরকার ?

মানুষ তাহলে লেখে কেন ?

আগের দিনে কত লোকে আবার লেখেন, বইয়ের মার্জিনে একটা দুটো কথা লিখেছে। মহান ব্যক্তিদের রচনার সঙ্গে নিজের কথা জুড়ে দেওয়ার রেওয়াজ ছিল।

শুদ্ধ দু-চারখানা বই ছিল ?

হ্যাঁ।

নাকি একখানা ?

ধর একখানাই।

স্বরবর্ণ, ব্যঞ্জনবর্ণ নিয়ে লেখকরা বিশ্বের ভেবেছেন, মাথার চুল ছিঁড়েছেন, বর্ণগুন্ডালিকে পৃথক করে, সেসবের নির্ধারিত টেনে বের করার চেষ্টায় দুচোখের পাতা এক করেননি, অ এই বর্ণটি সাদা না কালো, রক্ত না নীল ভাবতে ভাবতে উন্মাদ হয়ে গেছে তারা।

যেন একাটি পবিত্র পদ্রাণ লেখা হবে, মানুষের নির্ভরতার জন্য, তাদের বিশ্বাস ফিরিয়ে দেওয়ার জন্য, যাতে সময়ের কুটকচাল বন্ধে নিরপরাধ, সাধারণ, শিশুর মতো মানুষরা ফিরে পেতে পারে এক পবিত্র আত্মক, তারা নতুনের অ্যাসিড আগুনে পুড়ে মরতে নিজেদের পতঙ্গ করে না তোলে।

সেই পদ্রাণের মধ্যে আছে এক গভীর গোপনীয়তা, সেইটিই ঐক্যসূত্র, সময়ের শেষ পেরিয়ে মানব একই থেকে যাবে গুট ঐক্য ও গোপনীয়তার দরুন। আর তাতে কী নেই ! পৃথিবীর শৈশব স্মৃতি, মাতৃগর্ভের স্মৃতিও আছে।

মৃগাংক-এষা-নীল ভবিষ্যতের যে বাড়িটিতে ( ফ্ল্যাট ) যাবে বলে কথা ছিল এখন তা আর ভবিষ্যত নেই। তারা এখন সেখানেই আছে। নয়নবাবুর ধারণা মৃগাংক আবার কোনও ভবিষ্যতের খোঁজ পেয়েছে।

হঠাৎ এক সন্ধ্যায় মৃগাংক এসে নয়নবাবুকে প্রায় জোর করে তার ফ্ল্যাটে নিয়ে যায়। ফ্ল্যাটটির সর্বত্র এক ধরনের চৌকো আকার দেখে নয়নবাবু জিজ্ঞেস করেছিলেন ‘হ্যারে এরকম চৌকো কেন? ছোট-বড়-মাঝারি কিফন বাস্তব মতো?’

মৃগাংক ॥ তোমার মূখেই বা এত মৃত্যুর কথা কেন?

নয়ন ॥ সত্যি এই ‘কেন’-গুলো একেবারে যাচ্ছে তাই, খেতে দে।

ভাড়াটেরা মনে মনে আশা করছে নয়নবাবুর মৃত্যু হলে আর কোনও ওয়ারিশান থাকবে না। কেউ আসবে না তাদের উচ্ছেদ করতে। নাকি তারা আশা করছে নয়নবাবু বাড়িটা তাদের দান করে দেবে। পাড়া প্রতিবেশীরা ভালমন্দ নানান পরামর্শ দিয়েছে তার মধ্যে একটিতে নয়ন খুব মজা পেয়েছিলেন, ‘আপনি সেবাস্থে দান করে দিন, অমর হয়ে যাবেন ম’শয়।’ নয়ন কিছুটা বলেননি, তাঁর ঠোঁটে একটি রেখা জেগেই মিলিয়ে গিয়েছিল।

‘উনি কি পাগল হয়ে গেছেন’ কেউ ভেবেছে, পাতিপুকুরের সাটার পেনসিলার টুটু বর্লোছিল ‘দীর্ঘ একা-একা আছেন, পাগল হবেন কেন।’

পেনসিলার টুটু খুব অবাক হয়েছিল : আচ্ছা একটা মানুষ বিলকুল একা-একা থাকলে, বাচালপানা না থাকলে, এক জায়গাতেই দিনের পর দিন ঘুরঘুর করলে লোকে কেন তাকে পাগল ভাবে বলুন তো স্যার!

নয়ন টুটুর কথাটা শুনছেন, ধীরে বোঝার চেষ্টা করছেন, টুটুর মূখে উত্তরের রেখাগুলো পড়তে চেষ্টা করছেন। টুটু কি এতে কণ্ট পাচ্ছে, ওর চোখের কোণে চেরা সরু সরু দাগগুলিতে কী ও? ঘাম না রক্ত?\*

\* ‘উনি কি আর কথা বলেন না?’ কে একজন জিজ্ঞেস করেছিল, পাতিপুকুরের পুরনো বাসিন্দাদের একজন তার দিকে ঠায় তাকিয়ে থাকে যেন সে বধির কিংবা এরকম অদ্ভুত প্রশ্ন সে জীবনে কখনও শোনেইনি।

কথা?

হ্যাঁ।

বলেন তো। তবে খুব কম বলেন, এই ধরন ৫০/৬০টি শব্দ বড় জোর। এতেই কুলিয়ে যায়।

এত সংক্ষিপ্ত, সংহত হয়ে আসছিল নয়নবাবুর শব্দকোষ, শেষের দিনটিতে তার মৃত চোখে একটি শব্দ-আকা ছিল কেউ তা পড়তে পারেনি।

## পুনশ্চ

২০০২/১০ সাল, পূর্ণ বয়স্ক নীল সামুদ্রিক তরঙ্গের সামনে, বালির উপর পা ছড়িয়ে বসে আছে, মেয়েটি নীল জলরাশিকেই যেন জিজ্ঞেস করছে : ...বেশি জানলে হুখে বেড়ে যায়, বেড়ে যায়...

সমুদ্র গর্জন ।

জলের বুক থেকে গোঙানির মতো, বাশির শব্দ ও হুরে পুরুষটি কী যেন বলল, তরঙ্গের শিথরে তখন বিদ্যায় কেঁপে উঠছে ‘জাখো, জাখো !’

অন্ধকারে যেন নক্ষত্রমান, অন্ধকারে কে এক পুরুষ, কে এক নারী বিড়বিড় করছিল গর্জন স্তব্ধতা স্তব্ধতাই গর্জন

পা দুটি ছড়িয়ে বসে আছে নীল, কে যেন বলছে, ‘কী দরকার ছিল মুখে রক্ত তুলে পড়ার ? নীল ! জানার ? কী দরকার ! তবু...

তুমি খুশি ? নীল !

খুশি খুশি ।

এবং সে মেয়েটিকে বলতে শুরু করে নয়নবাবুর গল্প, ‘জানো’... □